





黃坑吳氏宰圖

咏景詩四首

咏景詩四首

咏景詩四首

黃坑吳氏祠堂圖

通判古心吳公遺像

龐氏太君遺像


平川公遺像

龐老安人遺像

大房宇華公遺像

孟滌

仲璋





陳氏安人遺像

二房宗富公遺像

陳氏安人遺像

三房宗金公遺像

張氏安人遺像

四房宗滿公遺像

徐氏安人遺像

外紀圖引

外紀系圖

內紀系圖

卷之三





黃地吳山吳言  
世傳 第一世起 仁 義 禮 智 元 亨利

卷之四


世傳 第八世起 貞 福

卷之五

世傳 第十世起 祿

卷之六

世傳 第十一世起 榮 華 富





吳氏受姓源流序

吳氏之先出於有熊國君少典也妃附寶感電光繞北斗福  
星而有娠凡二十四月而生黃帝姓公孫名軒轅時神農氏  
爲天子黃帝攝政以干戈征不享以諸侯萬民欽卹炎帝榆  
侵諸侯軒轅與帝榆戰三敗炎帝之師於阪泉蚩尤作亂又  
與戰於涿鹿之野遂擒之于是諸侯尊軒轅爲天子以土德  
王國號黃帝制禮作樂天文漸興正妃累祖生二子一曰昌  
意一曰元囂元囂生矯極矯極生高辛氏號帝嚳帝嚳生而  
神靈自異其名溥施利物不私其身而天下歸之踐元妃姜  
源見巨人跡踐之身動如孕期年而生子以爲不祥棄之隘  
巷馬牛過之皆避不踐徙置之山林又遷于渠中冰上飛鳥



以翼覆之姜源以爲神遂收養長大名曰棄自少屹如巨人  
志好種樹及長善相地以播百穀民皆法之堯聞之舉爲農  
師封于后邰號后稷姓姬氏后稷卒子窋立窋立卒子鞠立  
鞠卒子公劉立公劉卒子慶節立遷都於邠慶節卒子皐僕  
立僕卒子差弗立差弗卒子毀踰立毀踰卒子公非立公非  
卒子高圉立高圉卒子亞圉立亞圉卒子公叔祖立叔祖卒  
子古公亶父立復修后稷公劉之業積德行義國人戴之獯  
鬻戎狄迭來侵伐古公去邠踰梁山止于岐山之下邠人舉  
國扶老攜幼從而歸之遂築城墉宮室於岐山之下古公長  
子泰伯次子虞仲三子季歷娶太任生昌而有聖德泰伯無  
子武王以其所居之地封虞仲曾孫用章國號吳泰伯十八



世至壽夢生四子長諸樊次餘祭三夷昧幼季札壽夢欲越  
三嫡而立季札札乃棄家而耕于延陵乃諸樊立且死弟餘  
祭欲以次傳國及餘祭夷昧卒致位于札札剛執不變札生  
微微適齊桓公愛之妻以女生啓蕃啟蕃魯定公用之拜爲  
相生詡詡居魯生雋子孫繁盛游學顏高之門有文行爲時  
所稱生彌庸彌庸從左人逞遊居瑯琊生句餘句餘以罪奔  
晉遂家焉生蹶田蹶田生申以秦併天下避居蘆山耕隱生  
芮芮仕秦始皇授黃楊令號蕃君封衡山徙長沙西漢興立  
爲長沙王食邑三千戶生臣臣漢高帝時襲父王爵諡忠敏  
生回回文帝朝襲王爵諡文烈生右右景帝朝襲王爵諡肅  
武生著著景帝朝襲王爵諡昭武生衍衍襲王爵諡蒲坂生



令令雲臺功臣生隆隆徙于亭生復興興居南陽生善善生  
章治尙書教授生徒多名儒爲王莽所害至漢光武時拜爲  
大司馬封廣平侯食四縣謚忠生子成成襲侯爵謚英烈生  
亘亘改封濟陽侯生如靖如靖封新蔡侯生永承永承拜奉  
嗣侯王恭伯廟祀謚文孝生端端襲侯爵生熊慶謚良熊慶  
孫權時追封太傅吳郡公謚靖生康年康年孫權以母族拜  
中書令領太子太傅遷奉祖侯謚恭敏生英延英延孫權時  
加封丞相中書令太子太師改嗣賢侯生之則之則拜丞相  
襲侯爵生式式生臯孟臯孟東晉肅宗時封昭衍公謚宣懿  
生佶匕晉憲宗時累封至渤海公文帝時追贈太師高陽王  
謚顯肅生始泰泰襲封父爵謚簡文帝時領御史中丞贈延




陵郡開國公生符儁符儁武帝時改封燕國公贈裕王諡章  
武生豫拜鎮北將軍贈寧國公諡烈生戢七宋武帝兵起徙  
暨陽尋還吳生簪七生琨生襄襄生詢文詢文拜南陽郡守  
秩二千石後封西封縣開國侯諡貞生駿駿徙漢陽山生盾  
盾梁武帝時拜大司馬生奎奎文帝時補中郎生承休承休  
生若遶七唐太宗舉進士歷進銀青光祿大夫贊皇孫封開  
國男贈太子太保諡文惠生世偉世偉太宗時尙樂平公封  
新豐侯生佐佐生可可元宗時登進士累官太子少師贈渤  
海郡公諡文哲生舜咨咨蔭補山陰令至于疾辭遂畱其地  
爲山陰人生若羽唐元和間居山陰大中時觀察使召以署  
吏不應師高其槩言諸朝賜號文簡先生生益益益生三子



禮禕祓禕生基基生一潛一深一潛生三魯三魚三魚七代  
孫仕來公居天台後子孫蕃衍散居各邑而定宅焉此黃坑  
吳氏始末之詳也餘弗能盡究是為序

金華北山何 基撰





鷄峯吳氏重修宗譜序

予致政以來結盟泉石適趨花卉無暇于文久矣有王君者以舅氏命請予爲吳氏宗譜序且曰吳氏今雖僻處一隅而其先世之遺澤未泯斯譜也必得信人之言斯可以垂諸不朽未接吳氏而莫違王君之請也聞吳氏世居台邑以巨族稱其先世伯通翁以工師發迹而致聖諭之褒嘉古心公從巍科歷仕而播高風于勇退耆英卓行世不乏人名儒碩德代有可指此其世譜之甲于台邑者猶存也今之居東陽黃坑也歷世則以五計丁則以百雖後來者未艾今之急務奚以譜爲哉吳氏而知此蓋亦知所以重本矣孟軻氏曰待文王而後興者凡民也若夫豪傑之士雖無文王猶興謂其無



所倚而自能感發激勵也吳氏諸人其殆非凡民久矣雖然  
予猶有說焉諸人之無譜不可也而不知徒譜之尤爲不可  
也知所以重譜之可也而不知必明譜之義而後可也且今  
之世上祖一人也以一人之身何情之殊乎降是而千百其  
人則雖有親疎遠近之分而聯屬之間則足以盡之又何患  
于情之殊乎降是而千百其人則其族旣遠其勢已渙歲時  
不相聚面貌不相識吉凶不相通休戚不相關蘓老泉所謂  
親盡則情盡而途人者此也夫以一人之身而乃至途人焉  
不亦可慨矣夫使吳氏而深明乎此覽斯譜也則非徒以粉  
飾虛文爲也譬諸水焉千流萬派知其同出於一源譬諸木  
焉千枝萬葉知其同歸於一本繇疎而及親自近而致遠向



之視爲途人者今則一人之身焉將孝悌之心油然而生而  
仁人孝子咸賴斯譜而成矣其有裨於吳氏之後豈淺鮮哉  
吳氏信不欲以凡民自待而必欲以豪傑自居易亦於此而  
勉諸是爲序

昔

萬曆十七年歲次己丑孟冬望日

賜進士第承德郎南京大理寺評事

麓屏樓如山撰







東陽黃坑吳氏重修宗譜序

龍飛海甸十三世孫思吳思旻公從天台徙居黃坑之永壽鄉由瓜而瓠世世相承故識者懷蘓氏服盡情盡之慮乃出先世珍藏世系重葺增修以尊宗盟世德世業世圖世傳悉分類備載有其疑者闕之非其種者刪之斯亦延陵後人一大譜已孔子有云禾生垂穗向根不忘本也是以古人安土重遷惧其支渙無考由天台而居吳寧終不遺其所自依然延陵之派則賴有斯譜在豈非代有其人以托于不朽哉余聞珠孕于淵不百不剖密釀于花不百不芳吳宗累代孕釀奚止於百迄今興朝景運惟先世讓德爲昌明之券語云山高者木秀淵深者魚大蓋以人重譜非以譜重人願同譜者



其勗之 昔

順治十六年歲次丁亥季春之吉

丙子科舉人 通家眷侍教生樓鳳來頓首拜撰

重修家乘五世孫 武材 武禘 武棧

武進 國進

倡首嗣孫 國義 邦陞

國讚 邦實

國通 邦淮

國宰 邦宇

邦芳





重修黃坑吳氏宗譜序

夫天地者萬物之父母祖宗者子孫之根源也苟前人支分派別而敬所尊後人不能尋本遡由而愛所親又何以序昭穆別長幼乎試觀巨族大家不數年間莫不於家譜兢兢修輯爲急務不特家也卽上而國史靡不以纂修實錄爲敦本之圖然則正家久遠之道端於朝廷嚴天潢之派尊玉牒之成相等矣吾觀邑東吳氏之譜未遷黃坑之前無容再述迨至思吳公由赤城始遷之後已經三輯矣迄今子姓繁盛比之當前大不相侔矣纂修而補續之其容不勉力爲之乎茲者裔孫邦鼎邦仕忠瑋等謀諸伯叔兄弟輩若而人敦請鹿峯子介蔡先生遵歐陽蘓氏之法續而修之編次校正參酌



不厭於詳攷覈必究其實自親而疏由近而遠兼內外該本  
未敦化川流極其詳悉雖其文序行傳不無增刪補附而繼  
絕舉廢一視同仁之中要以知明處當則疏而不漏者簡而  
文秩而不紊者綱以目無不上同國史光昭玉牒也由是譜  
成之日敬所尊焉恩同蒼蓋愛所親焉德極黃輿崇泰岱朝  
海若寧有暨乎後之子孫如有變本而加勵踵事而增華光  
宗耀祖察乎天地是則今日修續者之厚望也云爾是爲序

昔

康熙歲次乙酉孟冬之吉

癸酉科舉人金璋撰



重修譜序

嘗思家乘一書作之于前猶必修之于後蓋譜載孝友記忠  
信傳節義錄勤儉所以維風勵俗也且序昭穆辨尊卑明親  
疏載圖傳所以敦宗睦族也苟前人支分派別設爲譜牒而  
後人不能紹述以修焉將何以維風而勵俗亦何以敦宗而  
睦族乎欽之鼻祖思吳公由赤城徙居婺之吳寧鷄峯之下  
世經人緯萬厯己丑作之順治丁亥修之康熙乙酉修之迄  
于今子孫繁盛不啻水之萬派木之千枝較之當前大不相  
侔於是糾聚族中尊長合同叅議謹請蔡景明靜侯二先生  
仍遵歐陽蘓氏二家之成規續而修之由尊而卑自親而疏  
秩然不紊世德世圖世業世傳悉分類備載井然有條斯亦



黃城吳氏宗譜 卷之一  
渤海後人一大譜已雖然修則修矣知人不可以無譜亦知  
徒譜之尤爲不可乎必知譜之所以爲譜孳匕自勵不以凡  
民自待而以豪傑自居庶可光宗耀祖也云爾願同譜者其  
勉之

昔

大清乾隆戊寅年應鐘月下浣之吉

八世嗣孫忠欽敬撰



重修譜序

夫古所謂管攝天下人心收宗族厚風俗使人不忘本須是明譜系立宗子法今世祿之家樂道前徽常人由賤而貴者耻言其先由貧而富者不錄其祖雖至親恩尙薄豈能聯屬族人又安知有宗法至撰墓銘敘世系則旁援前代貴顯以竊光榮或希進避羞私附近時之名藉其顯勢繆妄浮誇竟失本實大本已虧他復何言殊不知天下有貴人無貴族公卿將相常發于畎畝仕者之子孫累多淪落由學與不學在人自致之耳苟能法古之人行古之道聞于天下傳于後世雖布衣以死猶爲後世所慕不惟尊其身且尊其祖何必躍躍然爲欺爲誣以啟人之譏誚耶吾家自赤城分支以後務



農為本思吳公以上仕宦巍科知之不詳每欲溯流求源略  
 有所得徒切朝宗之念而已抑恐後世子孫愈求愈遠而愈  
 失其真以蹈旁援私附之偽因勉為敘以記先世分支分派  
 錄其所知而略其所不知庶幾得古人闕疑傳信之意也吾  
 思斯譜之修有益於家政者八焉蓋譜者宗族之紀綱世系  
 之經緯有徵則書而勸戒昭有急則卹而恩義篤居百世之  
 下而知百世之上定尊卑收渙散俾同宗不致為路人一益  
 也書名位字號祖父子孫一脉相承使後人有所攷據且命  
 名之際不敢犯諱二益也書生卒年月日時以感發孝子慈  
 孫記憶追慕之心遇忌日則思祭而不敢忘三益也書墓塋  
 所在使知剪掃修葺不致侵損迷失四益也書婚配年月及




外戚姓氏使知遠近親疏慶弔往來而不斷絕五益也有祠堂而宗法不講則昭穆靡定附位難排而祭祀無專主祠堂爲虛設也宗法非譜不可明既有譜矣而不立宗子則渙漫無託而讀書繼古者誰與譜自我行自我止耳宗子若立則族屬有統而家規可行譜有歸著祠有專守時祭時修不致廢壞六益也其祠堂所在之宅與祭田祭器一遵朱子家禮俱應宗子世守不得分拆典賣七益也承繼立祠昭穆有序豈容紊爭八益也具此八益而吾譜爲可久矣自茲以往惟嫡長子得爲宗子世世相承永守此業吾祖宗或可以綿長矣乎

皆



大清乾隆戊寅年仲冬下浣之吉

九世孫正彙敬撰



[Faint, illegible text in vertical columns, likely bleed-through from the reverse side of the page.]



鷄峯吳氏重修宗譜序

家乘之設作者難而修者尤難試觀春秋特魯史官編年紀  
月之書其于晉之乘楚之檇杙夫亦何以異哉自尼山有孔  
子出假二百四十二年南面之權筆則筆削則削崛然起而  
修之大義燦然一昭麟經之名遂爲千古不易之成書至于  
家乘勢雖有國家之分而天經地義之不容紊者何獨不然  
吳氏受姓自泰伯封吳厥後子孫因以爲氏傳之史冊班班  
可考唐宋間支分派別徙居赤城凡數十世英才輩出科甲  
蟬聯垂諸譜牒昔人之弁言詳哉故不復贅明初有通判公  
號古心者歛子思吳思旻二公遷居東邑而思吳公則黃坑  
之鼻祖也由明迄清寢昌寢熾其



黃坊吳氏宗譜卷之一  
按歐陽蕪氏二家之成規蓋四經  
等讀書有素恒念敦宗睦族之誼糾聚尊長共董其事謹  
名梓爲重脩之役繼先人之志述先人之事參互考訂信考  
傳之疑者闕之筆削之嚴不阻勢利俾天經地義之大昭茲  
來許其不有合於修春秋之遺意哉是爲序

昔

大清乾隆戊寅仲冬下浣之吉

眷弟邑庠生趙仍堂拜撰

倡首嗣孫 忠璉 忠賢 正亮

忠欽 忠信 忠輔

忠建 正奇



宗譜凡例

一作譜之法本史氏詳例載天下之賢否治亂興衰之迹以垂  
鑒于萬世謂之史紀

一譜之源流長幼善惡之跡以垂訓于子孫謂之譜譜則家之  
史史則國之譜一而二二而一者也

一首世系圖以明宗嗣之源五世一遷以定服制之別五世再  
提而成九世者以倣九族之義五世則按五服則義

一族譜五世別卷者皆歐蘓氏之法五世再舉者以其有子也  
若無子不得再舉也

一宗族之中生而先書其名冠而方表以字書配某氏繼某氏  
出於名門書其第里再娶者止書某氏

配也被



黃城吳氏宗譜卷之一  
黜改嫁不書義絕也如告廟而死及未聘婦未  
不書  
死者俱

一男婦有孝行節義者立傳以載家乘及卒有行狀墓誌墓表  
墓銘曠記載于家乘以備參考

一生卒缺所葬者仍之其詳不知其略系圖名下書行行下書  
父諱第幾子有名如犯國諱者避之

一男子有清風高節文學懿行爲後人矜式生則立傳於譜卒  
則求當世刻名於石以旌之

一宗族有貧難無所倚者在富而好禮與近親者量撥田屋與  
其住種毋令失所

一子孫有器識可習文業者貧則以資助之或致成就爲宗族



門楣

一婦人居孀養姑撫子有節行貞德稱於人者則立傳於譜有力陳之有司以憑奏聞旌表庶可以示激勸

一子孫有女貪財下嫁者不書以其玷族有女適人更嫁者不書以其失節也

一母有嫡庶繼之分皆當於父位下備書之惟庶出者書生母某氏所出以子不得賤母也出母嫁母者則書出母嫁母某氏所出以子不得賤母也

一子有嫡庶繼之別皆當以次書之惟繼子于生父位下書出繼與某人爲嗣于繼父位下書以某人第幾子爲嗣蓋立後必須名分相當不相當者改正乞養異姓者黜之繼與異室




者復之有流爲奴隸下賤者削之

一先人塋域體魄所在流洪塌露當擇潔土以培之樹木亦當  
愛護廕庇風水不許剪伐

一宗廟之事家之盛典棲祖神之所子孫享祀之地宗族聚會  
之場祭祀產業譜內載詳免致侵奪

一譜籍者先人儲之以遺子孫使世相守必族長賢而有文者  
寶藏之





古心吳公序

予致仕來托迹邱園怡情桑間文之一事久爲謝矣有宗弟  
名寰者以金蘭契懇予爲吳氏家譜序予挹吳公遺像不勝  
景慕焉因爲之贊贈云聞吳氏世居台邑古心吳公歷仕巍  
科襲職郡宰珠璣若湧揮毫廻赭海之瀾草木皆春到處起  
青天之譽聽棘木以燭民情夙稱明允借前箸而籌州務丕  
顯才猷士林鼓舞里巷謳歌且也治家有法盡仁孝之經居  
鄉有道評月旦之公惟德格天昌大其後生二子曰思吳曰  
思旻皆誥誥賢允也嗣後世德相承兄弟胥衆非復台邑之  
舊足容矣故伯仲繩其祖武遠大之志接其本支一脉之派  
玩山水而遷東土卜宅於黃坑焉瓜瓞綿綿室家溱匕爲士



黃地身止言  
為農無敗乃業興仁興讓綽有古風誠哉吳公積德之報有  
若此耳是為序

昔

崇禎四年歲次辛未葭月八日

賜進士第大中大夫叅河南布政吏部文選司郎中

新昌呂奇策贈





重修吳氏季子廟記

有吳之興也泰伯以讓得之有吳之衰也季子以讓失之爲讓之情同而興衰之體何異哉泰伯之讓讓賢也故周有天下而吳建國焉季子之讓賢於讓也當周德之衰而吳喪邦焉或曰非所讓而讓之使宗祀泯絕而不血食豈曰能賢斯可謂知存而不知亡者矣夫治亂時也興亡運也故至至而不可卻終終而不可留黃河旣濁阿膠無以正其色鹽池斯鹹弊算不能良其味與夫當濁亂時以力勝之讓與爭孰賢乎易曰知幾其神則季子之見可謂知幾矣季子之明可謂知進退存亡而不失其正矣至於聽樂辨列國之興亡審賢知世教之存歿掛劍示不言之信遜國保無欲之貞故有吳



黃州先生集卷之一  
之祀寂寥而延陵之饗如在元風可想至德興嗟美之辭哲  
人其萎表墓著嗚呼之篆微向德仁兩至則夫子不復吁三  
嘆焉非有精義被物鈎深致遠之略烏可究其津涯而窺其  
墻仞哉是知讓之爲德德在于生靈不獨其子孫明矣國有  
祀典人懷報享堅志則藩司欽崇懿德使賢士加敬嚴乎閼  
宮別閨壺之內外正衆神之序位舊以泰伯之廟在於蘇郡  
而制季子之祠像設東面非由典禮諒無取焉必也正名於  
是乎在祈報旁奠贄幣宜列于軒廡春秋禮薦俎豆存陳于  
正寢俾觀像者識先賢之遺風可律審度者知經德之禮秩  
無差末學陋辭不足頌其休烈寒來暑往敢用同于紀年

唐大歷歲次己未八月二十七日

唐潤州刺史蕭

定撰



東陽黃坑吳氏祀田記

夫祭必有宗宗則統族禮之分序也故族大而不繁世事而不紊士大夫之家有廟有祭者或不一再傳而遂不繼由其無田以爲祭無法以爲守散漫無統必淪於廢吾祖始居天台伯通公通判公彼有田而彼祭矣而仁一公偕恭人龐氏遷居於此合塋樓家墓乃先君體魄之所托以爲蔭後者而子孫孝敬之心何如哉人之生也豈不念其本而保守愛護之心急于奉先固必致慮於後凡事豫則立不豫則廢由是擬立墳田名曰祭田今以祭視禮禮爲祭之本以祭視田田爲祭之末無禮不可以成祭無田不可以成禮二者交相備而相爲用者也事故由末以治本由今有田以治其祭亦由



禮之治外以及其內也足以承制禮者之意有弗信矣乎吾  
子孫知族愈大世愈遠能厚其墓益重其禮則必致慮於後  
而可以傳遠矣後我之子孫當繩繩保守雖貧寒毋致于廢  
鬻斯田將以禦一時寒餒而立之者乎爲子孫者當視吾今  
日之繼志述事無弛前修以忝厥德如有不規之子孫詰訟  
廢壞作不孝論永爲遵守不失貽謀垂以無窮是則今日之  
厚望也夫

昔

萬歷三十七年歲次己酉桂月下浣之吉

五世孫武杰謹撰



黃坑吳氏祠堂捨址記

歲在乙酉十月旣望偕一二同學遊於鷄峯之巔觀仙人遺跡及下而憩息于祠中仰觀堂宇煥然規模宏敞偶有忠富君者彬彬揖余而言曰吾祖思吳公自明成化年間由赤城始遷於斯迄今已九世矣憶昔祠宇未立神主無棲祀典闕如族長目擊有志未逮幸吾祖武棟公同弟武棋公慨然捐捨前進基地一旦赫然改觀可垂不朽宏固堂寢建門築垣又捐置祀田以爲四房春秋拜祭之費鼓勵子孫助田充祭附祀再助銀三兩創建水口廟惜乎乏嗣無傳今宗譜重修欲求數言以表淑德未得其人爲憾予喟然興嘆彼創祠垂統何令湮沒不彰遂秉筆而爲之記合詞曰宜登諸譜用式



將來

昔

康熙歲次乙酉孟冬上浣之吉

錦溪盧光賓書





祠內常約

立評約衆親金安友應秋元緣因吳姓祠基前台係長房之業譜載長房元旦元宵掛拜神像字樣因約有悞兩各結訟在臺致傷族誼衆親不忍坐視爲此會同房長勸息理處酌議將長房禮五公神像元旦元宵升掛後台兩濱間中桌隨祖循序列位元旦元宵祭請四房輪值常領長房祭請之費二千四百文其收掛神像椅子茶長房自行承值其喜事散祀前台恁憑長房應用兩各允服自評已後修譜之日譜載宗祠常約并目錄通行剛除此約印載入譜並無異言嗣後照約遵行兩無翻悔再生枝節等情恐後無據合同立評五紙每房各執永遠存照



聽約人

孟宗

軼眾

仲富

正超

華友

仲賓

司彩

友三

嘉慶二十一年十二月日立人

安友

房司綱


秋元

長重友

渭川

依言代筆金景輝

俱押





宗祠議約

合族立議約家長正鵬司彩等爲禁祠堂事竊思祠堂原爲  
春秋祭祀而立神靈所棲自宜清潔肅靜非爲子孫雜用之  
地夙有成規因年久禁弛再加人居稠密將祠內雜用損傷  
甃桌神厨污穢堂宇以致神靈不寧爲此合族議禁嗣後除  
書館接神主外概不許私行開入停住工匠堆疊等項其中  
有不遵議禁者會全合族到祠內坐罰設酒四桌散衆決不  
輕恕再若冥頑抗違稟公究治不徇人情今恐人心難齊合  
族立約四紙各房執一紙永遠存照

其常廳一所除鐵匠外百作工匠應用器皿物件一切不  
許堆疊



黃埔吳氏宗譜卷之六十一  
如違罰例照前式

聽約人

孟元

孟圓

孟宗

孟佐

孟洪

季連

日立人

正鵬

司彩

執筆重友

俱押



造廳常約

合族立議約家長助友恭友友三宰昌等今因世常公起造  
廳堂缺少基地華友等情愿將智十五公堂屋基地助出公  
常起造廳堂會同喃議立約其廳堂起造成功之日兩面濱  
間恁憑智十五公子孫年節元宵掛拜神像冠婚喪祭公用  
並無異言子孫分序爭執等情恐後無據立下議約貳紙永  
遠存照

華友 司彩

友三 仲富

助友 宰昌


恭友 正超

嘉慶六年十一月 日立約前



聽議代筆姪渭川

俱押



Faint, illegible text visible through the paper from the reverse side, appearing as bleed-through.



榮一公助田憑約

立憑約家長正鵬司彩友三司綱今因季信有田一坵土名  
坐落佛殿橫頭計田十五秤祖十秤出助與祠內四常公爲  
業爲父母春秋生卒存祀面議遞年共六祭每祭孟義公子  
孫歸二人拜散情愿四房輪流值祀決不過期當悞如若祭  
祀過期或將此田廢賣恁憑親房子姪執約鳴公究追並無  
違忤等情恐後無據立此憑約永遠存照

其田面議季信過老之後四房管業

司彩


嘉慶十四年二月

日立家長

正鵬

友三







明故近庵吳處士墓誌銘

永壽之鄉黃坑後山有吳處士者諱舜瓊字祖潤號近菴禮  
八五其行也曾祖通判古心公居天台塘裏而上派列焉公  
祖思昊而徙東陽黃坑公父堯懋字宗金娶張氏生君五人  
焉曰舜鎔舜鑲舜珮舜珉而君居其幼公性多簡默不立崖  
岸自幼聰穎不羣習讀不煩師訓及長咸以勤儉治生力任  
家蠱不履公門樂道吠畝之中躬親稼穡之事亦不私畜一  
錢尺帛爲子孫計服勤奉養朝夕弗懈父母俱安之嘉靖三  
十五年丙辰父七十二歲母六十九歲倏遘疾是以衣不解  
帶湯藥親嘗遂持齋素而祈天祐雙親咸獲康愈鄉人以爲  
孝感所致復勸兄舜鑲舜珮同持長素保延親壽翁之父壽



八十六而終公之母壽八十八而歸既歿哀痛愈感殯葬如  
禮至有僧道叩門募化卽發慈悲不吝及淋口造橋恐財不  
勝而以工力助焉凡遇諸父兄弟姪輩愛敬撫恤克盡其誠  
至於勝時佳節必會聚一堂笑語竟夕後止凡聞善言佳行  
必佩服訓戒子孫弟姪令其味之嘗曰家無厚業母愈勤儉  
毋好奢華孜孜不倦兢業自勵鄉有不質實之人必善導之  
胥服語言容止怡怡以和承上接下處內外宗姻咸有禮度  
於冠婚喪祭之儀皆有節文與世無爭與物無忤罔不得意  
焉君忽遘疾疾且亟謂諸子曰吾平生不爲不善而命止於  
斯豈獲罪于天耶自反無愧爾輩能支持克承死亦無憾言  
訖而冥時有賢行相君生四子文澄文汜文湯文澤二女長



適二十都時光呂章次適八都蔣樞諸子敬卜吉兆於本都  
四保贊字一千二百六十八號土名門前應家山先安厝之  
翁之壻廼予之姪况其子具述事狀泣拜銘予不容以鄙陋  
辭爲之銘曰

素行善兮 壽胡不長 餘慶衍兮 冀祈後昌

世有隱德 天道昭彰 歸安此土 孫子無疆


克承先緒兮幽德潛光九泉無憾兮有同其臧

萬歷十三年歲次甲申仲冬穀旦

鄉進士歸德府判

眷生可齋蔣大用頓首拜書







明故東溪吳公誌銘

東溪吳公吳寧逸士一世淑人也諱文德字子澤行智二四  
東溪其別號也按公系出渤海蔓及僊居而分台邑通判古  
心公始祖伯通公充爲匠籍繁衍一方曾大父思昊而徙東  
陽黃坑大父舜鈔翁母鄭氏曾父堯志字宗滿俱以耕作爲  
生有隱行公稟性聰慧賦質和粹不好遊閑勤儉操家朝樵  
於山暮耕於隴且冬溫夏清昏定晨省以孝行推而事長處  
衆雍雍肅肅相接以禮未嘗有忤人意修家事以勤儉訓子  
弟以義禮懷忠抱恕守分秉公以故宗族高其行誼閭里洽  
其鄉評事無纖巨咸質決焉抑且尊重斯文凡遇騷人墨客  
鄉朋姻友過其門者必迎款待不吝咸謂一團和氣四海春



風而四時暢飲風花雪月誠盛世之逸民也至于修田築室  
以身先之俾內外以孝敬當先令二子以勤儉承事待弟濤  
澆灘而讓義處族期功近以歡心置田園而與子積德澤以  
貽孫德行如公模則如公吾方謂天眷良淑永錫爾老可爲  
後世楷範也胡天不憖折我淑人竟以豐公之德嗇公之壽  
嗚呼回以仁死跖以壽終天道難期自古然矣寧獨公哉公  
生于嘉靖二十一年壬寅六月十五日巳時于萬歷十八年  
冬忽然病作弗瘳遂與父叔女男而嘆曰吾平生勿爲不善  
而止此矣是乃天之命也將已置田地而分與二子焉可以  
繼吾之志述吾之事而盡心事其祖母數月奄奄而逝嗚呼  
哀哉享壽五十而已公配陳氏生二子武根武榮長配尤氏



次娶史氏一女適本都靈塘張明二子若瑚璉偉器英英一  
世莫非公德所貽而天之嗇公者又未嘗不厚公也然則公  
其不死哉合葬樓家崗之原余忝戚也而承諸子之談如覲  
公之素故敢強爲之序其行而誌其銘

維溪之流 源深則長 惟人之行 德厚則昌


孝義忠信 惟公是張 嗚呼爾後 永式勿忘

昔

康熙四十四年歲次乙酉黃鐘月之吉

魏屏趙 田拜撰







四房武棖翁行傳 元三十六

余考吳太翁諱武棖字良剛乃伯通公之後裔也出自巨族  
名宗余生也晚不獲洞悉其行誼而生平之大略猶得聞知  
而約言之太翁自幼岐嶷特立稍長能讀書善時藝無何而  
時不遇

國朝戊子草寇蚌起險阻備嘗生民塗炭非有雄才大略保障  
乎一方者其地皆爲灰燼太翁者挺然起而身其任糾壯勇  
嚴保甲察異言辨奇服故鄉井中得安耕鑿而無虞藉非才  
智過人曷克臻此晚年優遊泉石逍遙自娛遇鬪必解見難  
必扶其懿德素行如此配呂氏恭順貞淑內助多賢育子五  
皆屬丈夫長曰國許次曰國宏三曰國訥四曰國誥幼曰國



黃步身止言  
讚各有成立其幼子國讚公者聰明穎異才識過人迄於今  
登其堂入其室覩其子孫俊偉蟄蟄咸嘖嘖稱道不衰抑知  
太翁太婆世德作求天子報施善人如是其不爽乎予忝屬  
至戚敢以不辭固陋而言之

昔

康熙歲次乙酉黃鐘月上浣吉日

西隴眷晚生金鳳傳拜書

余昔吳太翁

西隴眷

卷三十六



賀朝忠吳老親翁八袞壽敘

嘗聞廣成子曰無勞爾形無搖爾精乃可長生而永壽今見  
年登耄耄者鶴髮童顏矍鑠無老態則嘖嘖稱羨以爲天固  
壽之也而抑知彼實有所以自壽者在耳今夫水源之濬也  
源其深矣混混不窮注江赴海而其流自莫之禦源深則流  
長斯卽長生之理乎親翁者居黃坑望族席豐履厚慷慨多  
才素以忠信稱重于鄉里事二親承顏順志待昆季怡怡然  
未嘗以資產形諸容色居常迪子姪以禮讓皆彬彬雅飭不  
失古遺風宅心忠恕有志士仁人之概故終不欲利祿自羈  
恬淡淳樸優游泉石以棋酒自娛勤儉垂訓而其天則肫匕  
常定也其貌魁然其顏瑩然猗與元形弗勞元精弗搖翁殆



深於廣成子之教者乎乙酉孟冬十一月廿九日翁懸弧令  
旦椒漿稱觴橘叟獻餠子若孫爲彩衣之舞而賓戚之奉慶  
也必滿座焉琴瑟則靜好也芝蘭則競秀也豈不爲翁之大  
快歟翁之壽也宜矣雖然人皆知翁之壽而不知特壽之始  
也人皆知翁之遐壽而不知其所以自壽者固有道也不必  
餌丹辟穀若喬松者然惟含醇守樸益粹爾形益固爾精將  
海屋之籌自不得爲翁限者余忝戚末因不揣鄙陋而預祝  
焉

昔

康熙歲次乙酉蕤賓上浣之吉

西隴邑庠生眷弟金一錫拜撰



贈吳朝忠翁壽文

嘗讀史至漢明帝問東平王處家何事最樂東平王言爲善最樂善乎東平王之言也蓋爲善之人明無人非幽無鬼責怡然天地之間俯仰無愧心平而氣和神安而體泰天下之樂豈復有大於此者乎予觀於吳翁朝忠者而信之翁生而倜儻長而誠篤其存心也厚其立身也端雅爲鄉里所推服且勤儉克家延師教子以義方垂訓至于敦宗睦族勸善息爭自耕田鑿井出作入息之外不復知有人世毀譽蓋其存心立身不同於世族之澆漓故其處家則庭除雍睦待人則遜順溫恭月旦之評鄉曲之譽藉藉歸之今者年躋八袞步履矍鑠舉案齊眉膝下二難怡怡充讓中林蘭蕙濟濟充庭



黃地吳山詩卷之一  
左顧右盼上和下順非家庭之樂事乎又豈非爲善之徵應乎吾觀今世之人知利而不知害驕恣放縱伎求刻薄甚至武斷橫行充肥飽橐此其人豈不自以爲樂哉不旋踵而時異勢殊困踣厄塞有不堪回首者而爲善之人方且優游逸豫享茨梁之樂見子孫之昌爲地行仙爲時人瑞也所謂爲善最樂不於此見之乎予于吳翁而有感于東平王之言故書以遺之翁諱國義朝忠其字也

昔

康熙歲次乙酉黃鐘月

歲進士眷弟趙正榮拜贈



朝誦吳老親翁行狀

今世之誇里閭而耀宗黨者孰不曰富貴利達哉抑知有不  
爵而尊不富而腴如仁義忠信樂善不倦者當時慕之後世  
頌之豈徒誇一世榮一時哉邑東黃坑吳氏諱國讚字朝誦  
吾之妹翁也其先係伯通公之裔子思吳公由赤城始遷黃  
坑與余族世連姻婭義篤金蘭至武棖太翁懿德淑行鐘生  
親翁其爲人稟性淳篤愷悌慈祥博覽羣書工於文墨事二  
親以孝處昆季以和御卑幼以寬慈待鄉黨以篤實有目擊  
顛連者必慷慨而援濟有匿怨忿爭者必委曲以解紛鼓衆  
力創建宗祠率子姓以修葺譜圖翁真繼志述事克光前猷  
者哉元配周氏早逝生一子邦龍出繼周姓爲嗣續娶陳氏



黃均與上言 卷之一  
恭順貞淑內助多賢生一子邦仕天資英敏才略非凡能承  
先人之志能啟裕後之賢光大前人基緒孫三忠輝忠耀忠  
緯皆英志敏達望而知爲令器也家聲丕振可拭目以待耳  
此皆其培植之厚故其流澤之長有如此也翁之德隆望重  
如所謂仁義忠信樂善不倦者蔑以加矣於以遠承伯通翁  
之遺風近紹武棖公之懿行以光大其門閭者皆翁之所優  
爲也豈特誇一世榮一時而已哉余忝屬戚末非敢阿其所  
好亦公道之不泯也因不揣固陋而敘述其素誼焉

昔

康熙歲次乙酉蕤賓上浣之吉

西隴邑庠生眷弟金一錫拜撰



行卿吳翁行狀

嘗聞古之君子不同流而合污不矯異而絕俗自有一種卓犖之概彪炳視躬磅礴涉世非具曠達之見者不能有此灑然矣翁諱邦倫字行卿國祥公之長子也賦性剛直慷慨好義言必允踐行必縝持事椿萱承顏順志待昆季叔伯咸出之以謙和雅志幽閑素畏煩瑣一切家政僅總大要而諸事無不悉理者皆翁之度有以致之是以內有陳因之積外有田園之廣家聲奕然令聞昭然邑之鄉老里士大夫咸推翁爲德行第一晚年優游林下曳杖逍遙對山花之笑聽黃鳥之歌不獨絕跡公庭躡足不入城市者已五十年矣此誠古今所未有非具卓犖之槩曠達之見安能若是也配麻氏宜



家相夫不減道韞流風二子長曰忠瑋幼曰忠瑞俱才能特  
達磊落超羣孫正端正廉正奇頭角嶄然鳳毛麟趾振起家  
聲未有艾也余忝屬戚末敢忘蕪陋撫其大略以俟執筆者  
采焉

昔

康熙歲次乙酉孟冬上浣之吉

眷弟鹿峯蔡光昭拜撰



元卿公行傳


慨自運會日遷人心不古世風浮僞習尙澆漓詭詐者稱爲  
多才醇謹者目爲無用越禮犯義放蕩而縱肆者咸推其爲  
英雄循規蹈矩守分而遵法者羣嗤其爲迂拙悠悠斯世欲  
求其淳厚存心端方製行樂善而修德者殆戛戛乎難其人  
矣而不意于黃坑吳翁遇之翁諱邦壽字元卿亨世二之長  
子賦性溫良視履嚴恪內公直而外謙和性英敏而心純一  
夙惇孺慕奉溫清而竭力無違永孔懷而友于克敦非忠正  
出于天性孰能爲之娶何氏克供閨儀能全淑德生二子長  
曰忠其次曰忠方皆孝悌淳謹鄉評推重有父風焉余忝戚  
中稔聞已久不敢以鄙陋辭故略誌其梗概云爾



昔

康熙歲次乙酉孟冬上浣之吉

眷甥蔣崇斌拜撰





少卿吳翁敘

人不忝所生而有濟於時者其惟才而已才之小者以理身  
家而不足才之大者以理鄉國而有餘雖然等才也而用之  
亦有辨有才而不善用之雖大亦小有才而善用之何小非  
大生晚近之世欲求其中正自矢不趨權勢不侮鰥寡言出  
而人人悅服宗族重之鄉里推之蓋不數數覲也而不謂於  
少卿吳翁者遇之翁本周秦伯之後乃伯通公之苗裔也生  
而穎異才略非凡長而名聞鄉邑爲都人士所推重不才而  
能之乎卽小有才與有才而不善用者恐亦未可同年而語  
也余素聞其爲人心竊慕之彼康熙丙寅鼓衆倡祠今歲乙  
酉續修家乘廼翁之力居多蓋敦親睦族義莫大于此矣是



真有才而善用之者之所爲也因不辭弁鄙特表而出之俾  
世之不才小有才與有才而不善用之者知所景慕也云爾

昔

康熙歲次乙酉孟冬上浣之吉

西隴眷弟金鳳傳拜撰



利五十一遵卿公行傳

聞之忠厚爲長久之基端方乃型俗之原是知存心之宜正而立品之不可苟也吳翁諱邦位者亨七十三府君之長子也制行不凡律身古處累仁積德不敢卽于刻薄之爲秉義守道一惟循乎規矩之中交也以道而虞詐不生義以爲取而毫厘必辨其存心立品有如此者至于敦宗睦族而倫序攸宜周貧濟乏而好施不倦其生平之卓卓可贊美者不可勝述配呂氏洵得內助之賢事公姑著閭儀之望主中饋得婦道之常不誠足相我翁而多玉樹之榮乎生三子長忠盛次中良幼忠興克勤克儉家業于以日廣何莫非翁之遺意而爲是昭茲來許乎宜其克昌厥後而蘭桂森森以爲翁之




黃其與上卷言一  
望也今者哲人雖往不克親覩其儀型而聞翁之存心立品  
正令人齒頰餘芳者故特敘之以示不朽云

昔

乾隆歲次戊寅冬月之吉

峴東金士賓拜撰





利五十八公安人劉氏孀節傳

乾稱父坤稱母故男子稟陽剛之德有猷有爲道主乎倡女子稟陰柔之德無非無儀道主乎隨此固理之常然者也而亦有夫君之志事未遂早已云亡膝下之孤兒幼穉未能成立一家承先啓後之政事寄於一婦人之身熒熒在疚則不得不以主乎隨者而兼主乎倡斯其爲女中之丈夫與吾蓋於吳門利九十八公安人劉氏而見之矣安人系出名門幼奉母訓四德三從之道五飯酒漿之宜一一講求有素于歸後孝姑敬夫和親妯娌諸姑伯叔無不稱道其賢舉二子長忠城次忠琇悉在提攜抱負而夫君竟爾去世嗚呼安人于悲憤無聊之際欲從地下者凡幾繼而轉念孤兒無托責有



黃其與上身詩  
卷之一  
攸歸于是殘燈曉月績紡是勤畫荻和丸教訓獨切以漸致  
二子出類超羣開彊啟宇有以光大其門廬而安人倡隨之  
志用是小慰享年六十有五以壽終于內寢則九泉之所以  
報夫君者無慙德矣迄今孫枝駿發行見蜚聲

天闕旌表榮封戊寅歲宗譜落成特敘安人之爲隨爲倡所謂  
女中丈夫者登諸卷首是爲傳

昔

乾隆歲次戊寅仲秋上浣之吉

漢東邑庠生趙仍堂拜撰



利九十五公安人孫氏合傳

父道秉陽剛之氣母儀守坤順之恒二者並行而不悖亦相  
藉以爲功吾嘗挾是見以爲衡而宇內之合內外以立業者  
蓋不乏人今於吳氏利九十五府君安人孫氏兩遇之府君  
世居黃坑其族黨里居大抵崇信長厚而浮誇不事者居多  
府君尤覺孝以事親和以處衆臨財無苟得遇事不妄爲樸  
厚優著爲族中所引重而安人則璠姑母也于歸後敬事姑  
嫜無違夫子內則之訓素嫻於未字之先而治家之克勤克  
儉精五飯縫衣裳益見僇力同心不辭艱阻所以家業振興  
倡之者府君而成之者則安人姑母也舉五子長忠鰲次忠  
福三忠鳳四忠建幼忠義俱克敦宗睦族不失老成長者之



風其四子忠建寓英敏于渾厚之中寄才能于和平之際從  
容磊落佇見啓宇開疆箕裘丕振爲繼志述事之首推歲戊  
寅吳氏重修家乘璠忝內姪因略敘府君之正位乎外安人  
之正位乎內者登諸譜牒以爲父道母儀之一則焉是爲傳

昔

大清乾隆歲次戊寅季秋下浣之吉

內姪邑庠生孫賢璠拜撰

此不爲入令外與五條或十五無符安人臨九兩數之誤  
蘇以爲山吾嘗好長其以計而等以合內收以立業本  
父首蒙編圖之象科對行軌類之四二各並許而亦



利九十六公行傳

良工之子必學爲箕良冶之子必學爲裘蓋父兄之教克醇則子弟之率克謹間嘗持是以觀人兩相得而益彰從未有或之爽者黃坑吳氏利九十六公諱邦舜字華卿係國亨公幼子也其次子伯慎氏童年就學東山屬余妹丈孫聖美家余嘗往來館中見其樂羣敬業口無妄言身無妄行好學沉潛爲縉紳先生所器重固知其率乎父兄之教也素矣其家與東山接壤約三里許余與聖美時常請謁於公而公安道接禮酌酒談心懃七懇七久而忘倦生平治家守成而兼創業啓宇開疆爲族中之傑出立身制行孝友是則禮讓相先親戚鄰里睦婣任卹一一出於天性刑于之道男正位乎外



女正位乎內長幼有序尊卑有等和氣致祥休徵于是乎觀  
配張氏早世繼娶張氏遵孟訓諳內則克勤克儉以道相夫  
子乃闡範足稱者舉三子長忠先醇謹是將主器克家無忝  
乃父之風幼忠蛟磊落英多語言氣象無不出人頭地而伯  
慎則其仲子也難兄難弟其在斯乎女二長適單次適劉孫  
男森森玉立悉屬大成之器歲戊寅葺修家乘因聊敘其巔  
末以見父兄子弟世德相承堪爲譜牒光者非淺鮮也是爲  
傳

告

乾隆歲次戊寅季秋下浣之吉

眷姪趙仍堂拜撰



利九十八公行傳

吳翁諱邦龍基之舅父也少壯時服疇力穡居本邑黃坑里繼而因太岳王翁失嗣惻然有垂暮之悲舅父分屬女倩遂遷居其地而相爲依倚太岳翁固喜獲一佳壻而待之如己出舅父亦事之如父而孝敬不衰時人謂之兩難焉住地名栗樹山有土石水泉之適山原林麓之觀舅父遂庀材鳩工構大厦於其間蓋較少壯時所居之里則又不同矣其山峻可以採樵其田肥可以稼穡其生殖可以貢賦稅而其澍滌萬物牢籠百態之景則又可以聚國族而生長于斯此皆天作地生所以處吾舅父而使之自若其天以適其性也家有七十餘口悉皆克勤克儉雍雍肅肅得田氏紫荆公藝同居



景况其待人惟忠惟恕物我無欺無何年踰古稀而舅父遂  
風木興悲矣然自東堂兆夢之後而憶其醉舞婆娑其矍鑠  
之狀則猶在人耳目間也舅母王氏親操井臼勤紡績以爲  
諸婦創而其相夫子撫子媳待妯娌尤足以昭其閭範生五  
子長忠信次忠敏三忠惠四忠恩季忠忬伯壘仲篋皆超軼  
儕輩而幼君忠忬與基爲秦晉戊寅歲吳族葺修家乘命基  
爲之傳基以舅父之忠愿謹厚事太岳翁以孝率子弟以勤  
遺堂構田宅示後人以師其儉其所以仰承祖德而垂裕後  
昆者近今罕覯矣因不自揣固陋而敘其大略云爾

嘗

乾隆二十三年菊月重九日 邑庠生外甥李肇基拜撰



利一百一府君行傳

戊寅季秋余掩卷罷讀之餘偶移履于龍泉之濱見芙蓉爛  
熳北雁排空爽然高潔之氣盡收拾于寓目林泉之下因乘  
輿步邱陵越阡陌至鷄山之側駐足於吳君伯厚家歡然迎  
坐之際備述其先嚴平素實行適伊族葺修家乘請余作文  
以記之余思家之有譜猶國之有史也國史之中忠義者登  
焉所以旌善也家譜之中謹厚者亦與焉所以維風也伯厚  
尊翁諱邦燭字瑞卿利一百一其行也生平敦固渾厚樸實  
老成兼循規蹈矩非禮非義之事未嘗偶爲其事父母也菽  
水承歡克盡子道其處兄弟也和氣相好詬諄不聞其于鄰  
里鄉黨也不亢不卑和光可挹至于親戚朋友往來酬酢皆



黃均吳正學詩  
尚實不尚虛所以克儉克勤刻苦成家開基創業其子若孫  
輩俱秉性聰明通達事理不但克守祖父遺緒而且堂構聿  
新大光前烈皆循分守禮之報也余固樂其素行之不苟而  
并樂其克善厥後也爰信手直書約略以表其平素之大概  
云爾

昔

龍飛乾隆歲次戊寅菊月之吉

邑庠生呂正學撰



利一百九府君安人厲氏合傳

嘗讀易有曰積善之家必有餘慶是知型仁講讓時有恩澤  
以及人者自宜以德獲福固爲理之常也而亦有不於其身  
卽於其子孫夫豈理之有或爽哉吳氏利一百九公諱邦輝  
字耀卿係亨九十九公次子也居家孝友恭敬自持處世慈  
祥謙冲可挹其于尊卑長幼無不盡倫盡理財母苟得事不  
妄爲守成創業一一出于道義間黨被其儀型推相景慕誠  
可謂積善之家也配厲氏舉六子長忠璉次忠琳三忠璫四  
忠宏五忠琰幼忠珖女三意公于此以德獲福方將受報施  
于無窮奈天不永其年早捐館舍想餘慶之畱貽于子孫者  
正未有涯耳安人痛夫君之云亡晨夕悲號幾致不欲獨生



黃其與上卷言  
己而撫其子若女慨然歎曰夫君謝世其所以未慰於泉鄉者意在斯乎意在斯乎余未亡人何敢辭其責哉於是堅心守制立意成家教養子女姜操孟訓兩擅其美邑侯贈之以匾額曰松筠節操良有以也迄今年近古稀諸子一一出人頭地洵足光前裕後三女各適名門孫男近二十人森森玉立悉屬大成之器猗與休哉其積善之餘慶也哉其四子忠宏負笈從師就學於余叔氏松軒天姿穎悟學問過人與余友誼最善故不辭鄙陋敘其巔末以爲積善之觀感云爾是爲傳人皆

乾隆歲次戊寅仲秋上浣之吉

漢東邑庠生趙仍堂拜撰



利一百十一府君行傳

從來本固者葉自茂德裕者後必昌蓋以人之修德與木之  
植本可取義而類觀也何則王氏三槐而流芳奕世燕山五  
桂而科第名家良以二公樹德於身故手植三槐五桂早以  
信其後之昌熾而無艾也我邑黃坑吳公諱邦珂字登卿者  
係國義公之幼子也賦性聰慧教家有法小而戲嬉出入遇  
尊長無不知尊禮之人以天性使然耳而吾固知厥考之教  
也比壯家資益饒聿新堂構遇縉紳士人有賢德者禮貌必  
隆見鄰居親戚或貧乏者周恤必至凡族內囂凌之舉悉爲  
平之以情喻之以義是以鄉里遠近咸服其能至若出言則  
恂恂有度居身則務期質樸雖當紛華靡麗之交澹如也娶



黃其與上... 卷之一  
邢氏有淑德善相夫子生四子長忠賢次忠贊三忠宰幼忠  
攀頭角崢嶸殊有鳳毛之譽及長大而分戶營居家聲俱克  
振焉噫至今日公雖往矣然觀其家而棠棣競秀蘭蕙爭芬  
其所以裕于後者寧有旣耶行將敦詩說禮踵五桂之芳聲  
光大門閭追三槐之盛事而昌熾無艾夫固可信之于天者  
而還信之于公矣茲以公幼子忠攀與余交素厚始盡悉其  
生平因重修家乘而請傳于余余以誼兼姻親遂不辭鄙而  
爲之傳云

大清乾隆二十三年歲次戊寅菊月重九日

邑庠生趙鏞拜撰



利一百十一府君安人邢氏八旬壽序

安人邢氏者吳君貞七十七之母也季秋初六日屆期八秩

誕辰甥男金英俊欲奉觴堂下效祝華封迺徵余言爲安人

壽余與金君素爲相知之雅義不容辭遂起而言曰夫壽期

豈偶也哉雖婦人行不踰閨閫懿媿不外彰而今之躬體康

健享遐齡于未艾諒必有以致之者蓋安人比壯歲奉姑嫜

以孝事君子以敬雍雍之風溢于門內安人固有以宜其室

者矣勤儉成家義方誨子而吳君昆玉習于母氏之訓咸恂

恂醇謹有唐魏之遺風焉故觀燕貽之謀仰母儀之淑而知

吳氏之家聲日隆也至其葆天和而綿純嘏謂非造物豐而

全之乎是日也子男四人稱觴子婦進履諸孫暨諸孫女羅



舞彩袖翩躚而安人麗眉皓髮婆娑其上享茲饒裕壽考之

福良非偶也異日者金君沾

寵命於

朝廷借祿養以外祖母歲歲之觴卽金君又曷事余言爲

昔

大清乾隆二十年歲次乙亥元月上浣之吉


眷弟邑庠生趙而梅拜撰

壽余與金君素爲朋友

壽壽長金與對婚

安人派乃皆吳氏

一一百十一





吳公貞二十九公行傳

公諱忠祿字伯福係利廿八公之子也爲人忠厚而率性事  
大父頗能養志家貲固饒而好施與凡遇親鄰疾苦者輒身  
往扶持之無姑待見鄉里貧乏者時出粟賑貸之不少吝舉  
凡族有爭競則平情解釋人有匪僻則嚴詞懲勸斷斷不阿  
其率於性者然也乃至朋儕親戚往來酬答有質有文無虞  
無詐其忠厚之槩恂恂如也配張氏有懿德實余姨表兄之  
姑也其事舅姑相夫君內外遠近悉稱其賢生二子長正麟  
早世幼正庶聰敏穎達稱克肖焉女一適玉溪劉達照孫男  
三人長孟聖次孟賢幼孟學俱英英俊秀寧馨可羨噫公之  
去世十有餘年矣公之潛德雖弗耀于時觀其子克自負荷







貞四十九公行傳

莫爲之先雖美弗彰莫爲之後雖盛弗傳故光前裕後之業必其父作於先子述於後累世相因而後能繼承于弗替雖曰人事抑亦有遇存乎其間者也吳氏貞四十九公諱忠城字伯壽係利五十八公長子先世族居黃坑乃祖因族中烟居稠密不能大展其規模因喬遷宅旁約半里許而卜築焉開疆啓宇光大門廬爲子孫計至深遠也遞至乃翁肯堂肯構美奐美輪而箕裘更克紹矣乃翁去世公甫童年孝事寡母先意承志勤儉齊家撫字幼弟怡怡式好先人之緒業日新月盛其恢宏之概有以甲乎鄉鄰且樂善好義守己以誠待人以恕親朋里黨交相推重固美可彰而盛可傳惜不永



黃城山先生詩集卷之一  
其年早捐館舍天之報施蓋畱以待後人也配馬氏舉一子  
正怡尙在襁褓而公見背母子二人煢煢在疚賴叔父之提  
攜多方慰藉于是母氏劬勞守志教養孤兒銖積寸累囊有  
餘資而家業反至于殷富迄今厥子卓然成立英偉多才繼  
先人之志述先人之事寢昌寢熾爲宗族光豈特一家之慶  
哉女二長適馬次適胡戊寅歲譜牒告竣因敘公之際遇父  
作于先子述于後此美之所以彰而盛之所以傳歟是爲傳

大清乾隆二十三年歲在戊寅季秋中浣之吉

漢東邑庠生趙仍堂拜撰



貞四十九公安人馬氏傳

今夫世德相傳纘承弗替在士君子固儀型於祖父而母儀之節操足以表率後人尤其彰明較著者也吳氏貞四十九公安人馬氏其先大姑劉氏青年守志節比松筠治家訓子素無慙德足爲宗族增光固表也在人耳目者安人素服其教惟孝惟敬相夫治內無忝婦道舉一子二女悉在提携襁褓之中而夫君竟爾謝世安人痛失其天號泣垂死者凡幾已而恍然悟曰死節易耳而育孤難苟其子若女未能成家下更無他屬而徒以一死塞責亦何以見夫君於地下哉於是矢共姜之操倣孟母之訓爲養爲教懇也懃也守先人之業廓後嗣之基艱苦備嘗其聲名嘖嘖人口謂非其儀型



於大姑劉氏之所致乎時安人年踰六旬男婚女嫁家業日隆鄰里鄉黨無不景慕誠足受兒媳之養享安閑之福矣猶且啣飴弄孫助子成家其志不少衰焉榮封

旌表夫固可預卜者歲戊寅重修宗譜余故敘安人之節操以見世德相承其所由來者遠爾是爲傳

昔

皇清乾隆二十三年歲次戊寅良月下浣之吉

邑庠生趙仍堂拜撰



貞五十三公行傳

公諱忠珮字伯員利八十七翁次子也年弱冠卽聰明磊落  
才畧過人其先君每甚器之及分居勤儉作家深知物力之  
艱耕雨鋤雲之外間關跋涉舍家園而客異鄉是農與耕兼  
獲其利世罕有匹者配葛氏生子名正翔克肖父行更有才  
能親族朋友往來結納無不調和適當今有室而復有孫乃  
翁顧而樂之是亦足以娛耳目而永遐年矣觀今家資日見  
茂盛並非勉強所致皆緣伯員公爲人圓融吐納和緩接人  
柔順故能恢廓前猷居室完美至其明大義處尤在年未艾  
而鼓莊盤情深恩愛鸞膠竟不再續今行年至古稀鶴髮童  
顏精神無殊少壯間嘗好山水佳勝時囑其子以所羨購眠




牛地安厥先人其營謀又迥異于庸夫俗子矣是亦有足取者因爲之傳

昔

皇清乾隆二十三年歲次戊寅菊月望後之吉

龍溪呂逢源撰





貞六十三公行傳

治家之道創業難守成不易且守成而兼乎創兼尤爲人所難耳余嘗近而求之當世曾百不一遇焉黃坑吳公行貞六十三諱忠琇字伯潤係利五十八公次子也生平孝以事親敬以事長持身正直處世謙冲賴先人之遺業與伯兄共秉家政開疆啟宇肯構肯堂繼先人未發之志述先人未爲之事親朋閭里禮讓相先睦婣任恤之情無不畢至守成創業足爲宗族之光配何氏舉二子長正彙自幼負笈從師天資穎異好讀書能文章每應童試定列前茅蜚聲譽序固有可預卜者次正己甫孕數月而公倏爾謝世正彙與母氏深痛公之云亾而九泉所未慰者惟在此耳於是僇力同心殷勤



鞠育迄今卓然成立頭角崢嶸有駿七乎不可限量之勢火  
成之器於是乎望也則正與母氏之劬勞撫字非公刑于  
訓迪之一報哉女三長適十二都郭祖傑次適四都王光輝  
幼適林頭桃園何廷駿歲戊寅葺修家乘故敘次其行略以  
示守成而兼乎創業者知所效法云爾是爲傳

昔

乾隆二十三年歲次戊寅季秋中浣之吉

漢東邑庠生趙仍堂拜撰



貞六十三公行傳

渤海之後古心翁之八世孫諱忠琇字伯閏者大父國照父  
諱邦達屢遭回祿創居於雞峯之南去黃坑數十步有田百  
秤築室建楹爲風雨之蔽遂以百秤名焉君生勤於畎畝力  
治桑麻致阡陌之廣家資之殷聿新堂構光大門閭以安後  
人雖非希世之事亦豈渤海所多得者哉配何氏克敦婦儀  
咸稱內助生二子長正彙幼正己來耜資身詩書脫俗三女  
長適郭次適王俱有豐穰之樂幼適林頭桃園何廷駿文壇  
嘯虎佇向鬢宮况孫枝挺秀如古心翁之綿綿瓜瓞又何可  
量乎余知君最深不揣不文以序其實俟採風者永其傳

昔



皇清乾隆二十三年歲次戊寅下浣之吉

眷弟邑庠生趙

梅拜撰





伯賢翁行傳

渤海之後古心翁之八世孫諱忠良字伯賢者勤于處事儉以治家有良士之休焉叔父諱邦定乏嗣翁承祧服勞奉養無異椿萱配王氏親操井臼堪稱巾幗丈夫生四子長正禮次正義三正聖幼正貴三女長適呂次適金幼亦適金俱係婺東之巨族焉乃造物之秀靈獨鍾於翁而長兄忠盛幼弟忠興竟類伯道之嗟則翁有以承叔父之祀而大父之祭反缺然廢矣可乎哉可乎哉因茲正禮正貴復主祖考之祭而祖考罔恫正義正聖仍承叔祖考之祀而叔祖考罔怨使非翁之積累宏深而安能綿延迺爾乎戊寅重修家乘正禮共董其事因徵余以爲傳




昔

大清乾隆雍著攝提格之冬

眷生邑庠趙

鏞拜撰





貞七十四公行實

先儒有言惟善爲寶又曰爲善最樂此知善爲古今第一義而爲善之人誠古今第一流也予有吳表兄諱忠輝字伯先者利百二公之幼子爲人端方器宇超羣不伎不求恪守素位之風苟合苟完常存知足之道純一無僞而虞詐不生悃悃無華而囂凌勿作是皆本爲善之心所積流焉者也至于睦族鄉鄰周旋親戚其生平之嶽嶽懷方者固難僕數配金氏克勤克儉得婦道之常必敬必戒壞無違之訓非誠宜室宜家者乎生三男長正福次正祿幼正壽女二長適蔡幼適張各安生業家道克振使非我兄存心之善而胡能有是哉古云修善獲報堪爲兄咏與宜其寢昌寢熾子孫繩繩而莫




可量也迄于今音容雖邈而憶兄之立心制行表表令人傳述者有如是耳不揣固陋予畧序之以垂來許云

嘗

皇清乾隆戊寅良月下浣之吉

峴東金士賓拜撰





文甫兄舅弟合傳

嘗讀易曰積善之家必有餘慶是知孫子之好無異壘篋之雅奏難兄難弟大有元季之遺風固皆由先人積善之有素也今玉山栗樹山余之族兄邦龍叔父之子諱忠信字文甫幼忠忝字義甫者雖性質不同一則爲人樸實一則爲人靈敏而制行不苟立品不凡內有以齊家外有以睦族阡陌之廣家貲之殷聿新堂構以恢先人之業莫不皆然是繼述之善而何莫非先人積善所致也卽次忠敏忠惠忠恩者咸賦性淳厚作息以安其業渾噩以全其性然則信兄之難爲弟者忝兄不更難爲兄哉歲戊寅葺修家乘因不辭固陋敘其巔末以見積善之不爽者是爲傳







貞七十七景聖公鼎弟合傳


聞之積善之家必有餘慶知孫子之能墮篋之好固皆由積善之有素也今登翁之子長字景聖幼字景蟾者雖行誼不同而一則爲人篤實新其堂構以恢先人之業一則爲人靈敏逞其才智以息鄰里之紛固皆繼述之善而何莫非先人積善所致也卽次景憲與景相者咸恂恂醇厚作息以安其業樸素以全其天非聖樂得以爲弟蟾樂得以爲兄者乎戊寅年良月黃坑吳氏重修家乘因述所聞以見積善之不爽也是爲傳

昔

皇清乾隆雍著攝提格之冬



眷庄邑庠蔡世烈拜撰



Faint vertical text columns, likely bleed-through from the reverse side of the page. The characters are mostly illegible due to fading and water damage.

Small vertical text on the left margin, possibly a page number or a reference note.



貞九十三公行傳

葉之盛者其根固流之長者其源深人之雲祚濟美長發其  
祥者必其乃祖乃父植基弗壞如木之根水之源素所蓄積  
者然也吳氏行貞九十三諱忠璉字伯義係利百九公長子  
乃祖若父歷世醇良積德累仁推恩好義蓋培其根者固而  
濬其源者深葉盛流長詎顧問哉羣季俊秀合乾坤六子一  
一出人頭地固可爲門戶增光奈數寄不偶君與諸弟悉當  
童穉而乃翁遂已謝世君惟是守先人之遺範聽母氏之清  
規金昆玉季一德一心氣象言詞怡怡式好宗族稱孝鄉黨  
稱弟人未有間言者且和以處衆有睦婣任恤之情酬接親  
朋有禮讓謙恭之度配厲氏幽嫺淑順克稱賢內助舉一子



黃地與上完詩一  
名正達頭角崢嶸聰明俊偉迺承先啟後材也女二各適名  
門行見桂蘭馥郁累代榮封猶夫葉盛流長謂非培其根者  
固而濬其源者深哉是爲傳

昔

皇清乾隆戊寅季秋中瀚之吉

漢東趙仍堂拜撰



伯慎學長兄行傳

凡人克自樹立不爲流俗所汨沒而岸然獨異者是其稟質之厚也不然必其務學之深也乃有質非不厚初不盡由夫質學非不務并不全賴於學一身一家處之寬然而有餘則其貽謀於先世而培植於乃父者重且深也吳子諱忠欽字伯慎者吾友也世居黃坑與吾里接壤也其先翁之胸次宏遠德器潛深吾早知其爲善人而天必大有以報之者也今伯慎自同學以來名雖未就而制行不苟內而齊家外而睦族規模氣象大有儒者之風至其長兄諱忠先字伯彩樸實篤誠不事浮華忠厚之姿視伯慎較爲過之况其三弟諱忠蛟字伯秀者尤覺恢奇磊落可以排人之難可以解人之紛



黃其與上言  
不剛不柔亦圓亦方伯慎之難爲弟者不更難爲兄哉吾常  
慕其家望其門而至止焉見有以兄其兄有以弟其弟夫  
婦婦家室翔和慈闈在堂而奉養時勤維是壽登耄耄而起  
居愈見精神嘻吾友之稟質雖厚吾友之務學雖深藉非先  
翁盛德貽謀植基長厚曷克臻此歲戊寅吳氏輯修家乘乃  
翁行傳當求之當世君子余不敢擅爲表揚茲特畧言一二  
以見實之茂者其根固流之長者其源深蓋爲伯慎氏言又  
不僅爲伯慎氏言也是爲傳

昔

乾隆戊寅仲冬上浣之吉

同學弟邑庠生孫賢璠撰



永昌翁行傳


華封之祝帝也曰多福多壽多男子知三多爲今古之所稀而兼之者之可欣而可羨也吳氏諱正奇字永昌者幼年雖受艱辛而卒致阡陌之廣饒裕之樂不可謂非福之一徵也行年將至杖國而油然筋力之壯精神之足不可謂非壽之一徵也至其蘭英郁七桂萼森七男子之多固素稱於渤海中矣配胡氏相助爲理無忝婦儀固多男所由兆而翁之福壽亦未始無助焉余相知有素因述其大畧以梓之家乘俟採風者永其傳

皆

皇清乾隆戊寅良月下浣之吉



眷庄邑庠趙梅弄撰



Faint vertical text columns, likely bleed-through from the reverse side of the page. The text is mostly illegible due to fading and staining.

朱昌餘撰



聚昌學長兄行傳

自世有家乘而行傳之設由來尚矣非分屬子弟卽誼關朋  
友表其善良獎其懿行大抵皆年高德邵素行卓卓於是傳  
焉以光家乘以貽後昆歲戊寅吳氏重修宗譜吾友聚昌覲  
一言以傳之余思聚昌年甫三旬具英銳豪邁之概將來器  
宇安知不大遠於今日之規模欲傳以揚之不幾因傳以掩  
之余故投筆而起者再然其可傳而不可泯沒者已有數大  
端弱冠丁乃父之憂居喪守制不失祖先遺範嚴君辭世數  
月而慈母舉一幼弟於斯時也且悲且喜親之固吾弟矣愛  
之又若子保抱扶持而一兄一弟時周旋於母氏之前則謂  
之承歡也可謂之怡怡也亦可孝於親友於弟不大爲吳氏



黃城吳氏定言卷之一  
光哉至於善良若何懿行若何由四十五以至期頤後之  
握管重修核其實而訂其行初無隻字之濫予者必與余有  
同志也聚昌勉乎哉余於是蓋有厚望焉今其弟頭角崢嶸  
岸然可喜庶幾箕裘紹述不失乃父之矩矱又實在聚昌之  
善爲曲成也是皆有待于異日而茲蓋闕如焉是爲傳

昔

皇清乾隆戊寅良月下浣之吉

同學弟邑庠生孫賢璠撰



吳子聚昌行傳

君子之道辟如行遠必自邇辟如登高必自卑故人之才猷  
可以著於鄉國聲稱可以垂於後世者其端則必自家庭閭  
里始吳子聚昌於居黃坑其先代世德相承素爲一鄉名望  
乃祖乃父余旣敘其懿行列之於傳矣至於聚昌時值青年  
方應童試未獲大展其經綸故傳之無可傳者第卽其卑邇  
信其高遠夫固有不爽者聚昌自幼天姿穎異讀書過目成  
誦比長就學於余叔氏松軒樂羣敬業與孫子聖美何子性  
有諸人互相砥礪敦氣誼工文章爲縉紳先生所引重固屬  
大成之器居家則孝事雙親不幸乃翁早世其弟方孕數月  
倏爾見背及分娩後聚昌殷勤撫字如手如足今已成立出



人頭地兄弟二難有元方季方之風孫聖美之弁言詳哉余不多贅酬對親朋交道接禮酌酒論文樂而忘倦閭黨之中排難解紛出於天性凡宗族義舉爭先恐後其盡乎卑迤者如此行見拔幟宮墻蜚聲藝苑得以大展其經綸而才猷著於鄉國聲稱垂於後世高遠之業可預期也歲戊寅吳氏葺修家乘聚昌與族中尊長實董其事余忝知交故特敘其行畧登諸卷首是爲傳

昔

皇清乾隆良月下浣之吉

眷弟邑庠生趙仍堂拜撰



貞百十六景蟾公行傳

伯父諱忠攀字景蟾貞百十六其行也天資靈敏學問宏深  
故其議論皆有根底書法俱協規模動靜語默彬彬乎有儒  
者象其治室家也課勤訓義令出而子弟無違其在鄉黨也  
分爭辨訟言出而人心悅服居恒慨慕古風不瑣於勢利  
不汲於功名進退周旋常怡然自得江少受業於伯父門  
下誨之諄於威而不猛孝悌忠信之事尤叮嚀告戒迄今猶  
記憶之卽講學於他鄉懃於懇於師道克敦東翁子弟無不  
稱道其賢自壯而老衣食於書中非稽古之力也哉伯母金  
氏中溫且惠實稱內助之賢生兄弟二長正兆務農爲業安  
飲食以自如幼正麗與余同庚伴學十餘載形影不離尤稱



莫逆其資分超羣智識高人一等不愧為伯父後嗣吾知承  
先啓後以恢擴謀猷者其在斯乎其在斯乎江與伯父情屬  
姪兒誼兼師弟固不能盡道其詳聊陳鄙語以誌其大略云

昔

乾隆五十八年歲次癸丑八月既望

小姪 江謹識



貞百十六忠攀公行傳

嘗讀詩有曰維嶽降神生甫及申則知人之秉性靈敏抱資  
清秀者皆由山川鍾靈毓秀所致或間數世而出或間數年  
而生豈如庸常輩可多得哉余叔祖諱忠攀字景蟾貞百十  
六其行也滌少受業於門嘗顧余而言曰吾昔時讀書不煩  
誦習今猶記憶師趙松軒時嘉許余卽其遺言而想芳徽秉  
資如是苟得久隨函丈奚慮飛騰無自惜衆叔父各嬰家務  
襍擾分心於農桑不過兼學而已旣而長叔老成有志泉石  
因放山巔水涯設教玉山當時大有名望嘖嘖稱道不衰後  
因年老跋涉艱難設教黨內余與叔重友華友同受業焉凡  
著作文詞雖未及曉但見其族有大事剖斷是非光明磊落



羣相允服華友者卽叔祖次子資秉過人余固如天淵之別  
卽重友嘗退避三舍然遇生不辰叔祖耄耄長叔謝世遷延  
歲月遂不能大展其志而至今猶文學之遺者豈華友徒恃  
秉資之厚歟抑亦叔祖訓教之功深耳况叔祖孫男孟祖浸  
浸日上何莫非叔祖厚德所致也今當家乘重修尊親之誼  
難忘因爲之傳云

昔

乾隆五十八年歲次壬子季秋之吉

姪孫孟潑謹誌



忠志公行傳

行貞百世一

丁亥秋同里吳氏其族重修家乘有名孟琴者余族親也以  
其祖忠志公安厝飛鳳山之麓招余繪圖立祀登載譜牒以  
垂不朽時備山穀水菽晉接甚殷邀同族之尊長共樂洗腆  
之歡合席道公懿行其言曰公父邦龍翁自康熙年間隻身  
遷居茲土家不甚饒依外太祖王公家焉王公邁年乏嗣愛  
公如掌珠作東床而養老王太安人生公昆季五人公居其  
五幼讀書入塾輒能明句讀過目成誦見者以爲馬氏五常  
公乃白眉焉無何斗室傾頽祖欲重建有志未逮遂以家政  
委公不得已而棄舉子業督理工匠凡大宋細楠皆公自主  
繩墨其精巧過于匠人所作械噐較從師學習者尤精迄今



分爨二十餘家器具盈庭皆公親作而子孫享其餘置也至於操家政疾徐合帶儉約得中乃能日積月累家業漸豐四境內以產來售者不以美腴而招之來不以磽瘠而推之出以故不數年而田連阡陌貯積豐盈生平寡言笑不事華飾里黨中有窘乏呼庚癸者一諾千金卽有計巧負債而終不與之較視世之權子母者大相懸絕矣故未嘗曲膝公庭而辨是非性善飲從未及亂至晚年喜漁獵獵不射宿戒數畧不入污池所置網網必以寸餘隈結而臨淵其存心異於常人萬萬者矣尤難者除昆季分炊外所積餘貲置五常常祀共祀先公另置田數畝凡生卒清節囑子孫必先祭王姓外太祖之塋墓其不忘本也若是公享壽九秩無疾而逝配李




氏幽嫺貞靜婦道克敦享年八十餘合葬飛鳳山之原舉文  
夫子五正經正綸正緯正紀正純咸確守先規里  
男一十三人樸者耕秀者讀聚順怡怡元孫二十  
崢嶸異日而昌而熾正未有艾也噫若公者有幾  
湮沒而不彰乎余故不辭鄙俚以其族之尊長所言據實而  
詮識之以俟後之採風者錄焉

昔

道光七年歲次丁亥桂月穀旦

同里璞齋倪上珍拜撰







貞一百廿四公傳

聖天子癸丑之秋闈之母黨吳氏適修家乘因訪友而至譜局中偶坐間見蒼顏白髮扶杖而來者闈之外祖也咸起而待起而復坐吾友永川者囑余曰爾盍爲外祖傳以誌其行畧闈雖不斐誼不敢謝輒不自揣卑陋直應之曰知外祖之行誼者獨闈也歟哉知外祖行誼之詳者非闈也歟哉闈生幸未晚自少親承函丈其於綱常名教之行庶務經心之業尙未及曉但覺其誨人也無倦接物也必恭動靜也有常飲食也甚約是亦無甚奇特者也此則見之於少時則然及稍長也頗識事務始知鄉黨間求其如我外祖者不數數覩其治家有法豐嗇咸宜弗尚文華弗踰質樸訓稼穡課蠶桑家貲



日盛置田園創基址堂構聿新凡先人之志事後嗣之箕裘  
而爲因爲革爲啟爲承罔不爲之區畫周詳早作夜思不遑  
寧處書有之所其無逸其是之謂歟至若立言也信而有徵  
制行也動不過則柔不茹剛不吐與世無競仰無愧俯無忤  
自問泰然族黨中正色直言行不端則斥之言不經則非之  
且性喜恬靜不樂煩囂寡言笑慎交遊雖步履亦無所苟斯  
非立德立言之一徵乎于是 邑侯徐公聞其賢良表爲約  
正誠可儀型於閭里欽仰乎邦國者矣今年七十有八跬步  
翩然矍鑠如壯或流連澤畔或嘯傲林泉培蘭種菊聽鳥評  
花不依稀乎羲皇以上人也哉外祖諱忠宏字致遠號達齋  
貞一百廿四其行也娶外祖母厲一舅一姨同闈母所自出




續娶外祖母劉育三舅昆季之間亦復怡怡雖各爨如一家  
現各有表弟俱頭角崢嶸詩曰貽厥孫謀以燕翼子殆我外  
祖積厚流光之謂也夫俚詞旣就顧友而言曰外祖未可幾  
亦不敢妄爲記故記其所能知而不敢記其所不及知約畧  
序之附於簡尾以誌不忘云

昔

乾隆五十八年歲次癸丑桂月中秋節

外孫應司闡頓首拜撰







貞百三十四忠玘公傳

凡物必須久而後見名愈久而益傳故桃李之木春榮而秋落松柏在冬夏而愈青潢潦之水朝滿而夕除長江大河亘萬古而恒在其於人也亦然吾家先伯諱忠玘字伯厚在世時沉實篤厚言不妄發事不苟爲初以爲人道之常迄今謝世之後憶其治家嚴肅有條延師課子克紹書香處族秉公仗義不減爲古之遺直見君之則喜與之談心見小人則惟恐其免己是乃賦性耿介不肯同乎流俗者何殊歲寒之松柏終超於桃李廣大之江河遠過於潢潦也故論人者必至久而後定猶物必須久而後見焉至於廣置田園聿新堂構歲時伏臘飲酒言歡一則其分之宜一則其遇之順何足爲



伯父異哉尤可羨者伯母張氏夙嫻內則淑順其性溫厚其容三從四德堪為贊美生一兄正進誠樸有餘浮夸不作即其孫孟成孟全聰明俊偉不囿於庸流世俗而後此之箕裘克振家業日隆何莫非伯父為君子始終不渝所致也江少接其言論丰采固深慕其秉公仗義至今鄉黨中猶慕其正直不阿為模楷也是為傳

乾隆癸丑仲秋下浣之吉

小姪江謹撰

...



貞百四十二良田公傳

良田公諱忠蛟字伯秀平日敦孝友睦鄰里佃僮大度和氣  
接人若飲醇醪焉少時與兄從師講習屢應童試旣而不遇  
爰抱甕灌園以自適其治家也克勤克儉廣置田宅衣食饒  
裕或值鄉村爭訟爲之排難解紛秉公議處罔不服從以故  
風清俗美數十年間賴其才力以安夫修德者必獲報裕後  
者在光前夙昔每恨讀書無成不能耀宗祖遂慨然有訓子  
成名之志而三子長正壘次正篋幼正璋皆擇嚴師受學長  
子學業精通因家事日繁而委任焉遂棄儒業而務農桑旣  
而率次子正篋字重友并親姪字商友族姪字會川從余遊  
余嘗嘉三子資分過人功名指日可就正篋考諱江果於寶



黃城吳氏宗譜卷之一  
宗師臨郡先拔取入泮余熟公之生平最爲詳細可知天之  
報施善人聊見一斑矣異日鄉鄰染疫塋歛無措匍匐辦理  
倍受艱辛公以真氣勝之自無所累公非有才而兼有德者  
乎奈何天不錫以遐齡花甲未滿於乾隆乙巳竟赴召玉樓  
矣淑配張氏幽閒貞靜克襄夫子誠堪爲母儀於鄉黨舉三  
子克承父志孫孟球孟珩孟琳孟煜等皆岐嶷克立頭角崢  
嶸將必恢擴前猷光大門戶爲盛族望

昔

乾隆五十八年歲次癸丑桂月 穀旦

世弟邑廩生趙廷瓚拜撰



福廿六公傳

伯父諱正高字達昌福廿六其行也係貞廿二公之子乃族  
之主器伯父冲齡失怙終鮮兄弟自以不暇詩書務力耕耘  
孤苦艱辛備嘗之矣及長而成立性尚剛強不事委靡出言  
慷慨非同囁嚅居鄉黨見貧苦困乏者時爲區畫遇富貴顯  
榮者不樂趨承善排難解紛族有忿爭難釋之事得一言無  
不悔悟悅服數十年內訟詞不興里黨寧淨者皆賴伯父扶  
持之功耳配王氏淑順其性敬奉夫子和處舅姑中饋無忝  
克稱內助伯父子四長孟裕幼隨膝下務力耕耘次孟勝少  
卽生理寧紹所歷者名山大川所遇者高人俠客故胸界恢  
宏不同於俗三孟祈四孟祐皆氣象昂昂出人頭地孫男二



事雖未見氣體已迥越同儕則繼父之志述父之事正大有  
人也詩曰貽厥孫謀以燕翼子誠可爲伯父詠矣今族中修  
葺家乘兄孟勝亦董其事命余究伯父行律生卒余思芳微  
不可湮沒敢誌其大畧聊申高誼云爾

不肖

乾隆五十八年歲次壬子季冬之吉

姪孟潔謹誌



福七十四公行傳

嘗讀語有曰滿則覆故月滿則虧水滿則溢凡物皆然人亦何獨不然雖然亦顧其人處之何如耳余伯父諱正發係貞百八公之長子福七十四其行也手足合乾坤之撰箕裘恰奇耦之數况重以阡陌之廣置棟宇之聿新遇亦隆矣福莫厚焉在他人處之鮮不爲之恃強凌弱傲有矜無而伯父淡然也其接人也恭而有禮持己也敬而無失處昆季則怡怡撫膝下則藹乚出作入息農桑之外無他計焉課子弄孫耕讀之餘無餘望焉宜其錫遐齡而享無疆之福故伯父今行年杖鄉肢體康健精神益壯配馬氏勤儉操家適稱內助舉一子孟朗爲人誠實孫男二頭角崢嶸二女俱適名門若此




者豈天之獨厚乎抑亦伯父持盈之道盡耳今當宗譜重修  
不揣鄙陋漫為之傳云

昔

乾隆五十八年歲次壬子季秋上浣之吉

小姪孟滌謹誌





福八十三和亭公傳

昔予幼時遊學困齋胡夫子門而聞夫生不傳之說疑而質之夫子示以傳之意與定諡相表裏予通一解以相叩苟有所試亦不妨從其生而傳之乎夫子乃曰果有不刊之誼難沒之行洞識其人之始終則亦可從今鄰里吳族重修家乘予友滌君者族推董其事來商本末於余余因思滌君嚴尊號和亭翁者係貞四十九忠城公之子也忠城公逝世和亭翁尙在襁褓是以幼務家業不暇詩書娶本里程氏爲內相率天性以慎母馬氏之終盡子事以卜母馬氏之厝其幼時孝行不堪備舉其最足表異者在娶程氏也程氏卽本里程點園公之長女點園公乏嗣和亭翁爲之擇其妻舅之尤以



黃城吳氏家譜卷之二  
繼其世又另捨田產與程氏兄弟之甥以永祭掃且程氏有  
一妾性柔行順翁以爲不可便已之役使以沒其人之柔順  
因擇良以配焉此二事豈異人任哉矧和亭翁祖業未巨克  
勤克儉佇見累陌連阡惟養惟育豫卜子俊孫賢課讀書不  
惜資財摧耕種不辭勞苦處鄉黨和易可近論是非心口相  
符積善獲報天降之福翁子三長曰孟潔質美學優名顯郡  
邑次日孟法幼曰孟汪共輔家業克肖翁志女一適巍山趙  
睿純孫五皆幼雖志行未見而頭角崢嶸也如和亭翁者真  
不愧吳氏思吳公遺孫也翁年五十有九餘年卜慶其行畧  
不大可知余故不拘於生不傳之說而特爲之傳聊以表余  
與吳君結契之誼也夫




昔乾隆重光作噩之月

眷小姪邑庠生沈秉忠拜









福一百二十選山公行傳

從來用志過高者未免有始而鮮終存心不厚者無以光前而裕後吾于吳氏選山公有深契焉公秉性純良和易近人柔亦不茹剛亦不吐守經行權於本分之外不加毫末此非一朝一夕之故其素所蓄積者漸也克勤爾身克儉乃家無康好逸豫至賓朋往來與鄰舍交際曲盡其心不自滿假雖周恤之無常要不至怒形于色其素所樹立者又然也自弱冠以至壯有室德配金氏內助惟賢公乃躬親稼穡之艱難閱歷炎涼備嘗辛苦得制產畝數百餘零此事非伊異人任矣生三子長孟綸次孟純幼孟繡余與孟繡連衿俱屬成人有造永肩乃家無廢厥職故平昔間嘗謂人曰事吾事者樂



黃地身正言  
吾樂余雖身不澤于詩書吾子姪輩亦頗有書香頗明大槩  
節目田家况味聊以慰余心是何用志之平歟泊乎晚歲恩  
叨鄉祭酒之名又堅自諉曰吾父爲農家者流余亦當以畎  
畝終予雖受朝廷令典必吾父亦得以縉紳垂於身後而吾  
心乃慰此一美事用迪前人光乃無忝所生耳是又何存心  
之厚歟厥後天錫公純嘏含飴弄孫坐消白日閑話桑麻而  
已夫復何求哉語有云俾而熾而昌俾而壽而臧如公爲人  
庶乎近焉

昔  
道光歲在丁亥菊月上浣之吉

眷小姪邑庠生鑾坡蔡

燎再拜謹誌



福百四十一蔡氏節傳

易之序卦也節次渙中孚次節節有限而止也渙散矣而不節其又誰信乎故臣之忠者曰臣節士之介者曰士節婦之貞者曰婦節要皆見乎渙而徵於信也若我兄嫂蔡氏庶乎節之可以獨信抑亦可以共信氏本鹿峰名家之媛也十八適我兄正訓五事是勤四德是順閨門雍睦上下內外無間言是固其節之吉者無非議矣先屢次產女未獲生男方期室家之溱也詎料命中之蹇也甫三十而兄已故噫吾兄沉實篤厚言行不苟莫爲純其武而嗣其音是正天道有不可知者家業從此渙矣於是乎說者皆曰以氏之青年又乏後嗣一單身婦人家事熒也無主難乎守制之堅而氏則曰否



黃地身正言  
否我若再嫁此三  
日離散而夫君之主何依縱有姪孫  
爲我夫輪祭不若己之春秋四季得以親盡哀痛迫切之情  
也鄉黨親戚皆知其志之不可奪姑聽之以觀其異日而今  
堅矣所謂苦節之貞者於今  
餘年四十已往五十非遙  
豈非中孚之可信者哉視世之矢志不堅初若指天誓日迨  
抔土未乾遂變心易慮者真愧死無地矣觀其門戶巨細內  
外應酬紛紜繚繞咸自坐制有餘有其德更有其才可爲閭  
閻中所欽慕方將俟諸五十六十請於有司以彰其內則而  
未暇也適當家譜重修因敘其大概以爲他日旌表之端也  
獎勸之事豈曰以是而足哉

大清乾隆五十八年歲次癸丑桂月穀旦

劣叔永川 江撰



福百五十五公行傳

貞百四十二公長子諱正壘字恭友號春山自幼從師受業于孫夫子及弱冠一堂共學同方同術並無乖忤及文理粗通遂輔嚴父共理家務嚴以持己非禮非義之事不肯爲和以處衆無小無大之人不敢慢機械變詐不生澆漓浮薄不作此乃本性粹美賦質淳良以視世之人心不古放蕩於禮法之外者不啻有霄壤之別矣好善如緇衣惡惡如巷伯常以積德行善之書朝夕誦讀念亡不忘奉勸親戚朋友遵行感應不爽等語懇切詳勉一時被其感動奮發者不少卽伊弟學業精通厠名庠序亦恃其重昆弟之情式好無尤誘掖獎勸以成其美娶劉氏克遵婦道奉公姑和妯娌雅有懿德



黃城吳氏宗譜卷之一  
足風生四子三三不幸早逝長幼自是出人頭地孫二亦豪  
邁過人噫若兄之爲人古道自敦不同流俗正所謂無懷氏  
之民葛天氏之民也歟今年七十有六精神康健身體無恙  
何莫非其存心淳厚之所致將見由毫而臺未可量也余與  
兄非甚熟識因與伊弟永川同窗已久情投氣合嘗對予詳  
述其生平行事茲當適修家乘故敘其大畧以爲傳

昔

皇清道光七年歲次丁亥桂月

眷弟邑庠生金炳拜撰



吳永川老親臺先生行傳

先生諱正箴庠名江字重友永川其號也爲良田公次子世居台郡赤城至思吳公始遷于邑之仙溪遂爲邑中著姓先生謹厚誠慤和易近人自幼究心舉業治五經無間寒暑於註疏傳說無不搜羅博洽尤工詩古文詞小楷亦端勁有古致無凡俗態踰弱冠以精熟經史受知于寶東臯先生自此益粹于學每試輒冠等名課庠序以數奇竟不獲一薦鄉賦先生絕無愠色晚年課就生徒懇切誘掖雖繁襍弗倦也鄉塾子弟樂就正焉性孝友自觴齡以逮髦耄內外無間言先生于花晨月夕借昆季三人皆年踰古稀童顏鶴髮攜杖逍遙縱未能玩水吟山適騷人之趣而會飲言歡亦具怡怡之



黃地身...  
樂是蓋天性之淳厚而所值自然和順遇人雖退然若不勝  
衣閭里悉欽爲長者至族郇雀角常婉言以喻之必不使訟  
于官其型方訓俗綽有薰德善良之意也嗚呼如先生者不  
逞才于口辯不脩飾于服御其欽華就實反樸還淳之度雖  
當途士大夫未有能過者先生竟處之自若也元配單氏幽  
閑貞靜夙嫻姆訓舉三子而卒長孟煜次孟榮幼孟煥孟煥  
卽予姪壻也續娶劉氏無所出亦稱內助孫男濟七皆頭角  
崢嶸秉性淳樸有乃祖風是知先生淳厚之貽澤孔長也爰  
輯實行以傳之因爲之贊并以祝壽

贊曰

溫厚其度淳樸其容文章德行輝映雞峰闡明經史領袖




儒風天鑒厥德高朗令終期頤晉祝福祿攸降桂枝三秀蘭  
蕊菁蒼穀貽孫子食報無窮行見奕世而後堂爲玉而人似  
龍

昔

道光七年歲舍疆圉大淵獻壯月上浣十日之吉

姻弟郡庠生趙慶源頓首拜撰







祿四十孟元姪行傳

人有自亨而困而後不勝前者有自窮而達而後勝於前者是雖天運之循環亦恃人力爲之轉移也余族姪孟元字司綱係福四十八長子方提攜抱負時衣食饒裕至十餘歲不幸嚴父先傾竟失其怙下有二弟俱幼撫養成成人壯盛時內事雖有慈母主持而外事不得諉責於他人仰待事而俯待畜一身俱擔其任既而食衆生寡家業衰微艱難辛苦實備嘗之在他人鮮不戚也於心役也於外爲貧窮所迫而蕩檢踰閑矣彼則處之恬然以禮存心以義制事財毋苟得非己所有者一毫而莫取守分安命克儉克勤惟耕稼是務凡出納之際不損人肥己詐僞不生尤可羨者其母八十有餘身



體不寧親自延醫調治湯藥親賞爲母禱神保壽如是者數  
年雖未云純孝亦大有足取焉迄今年邁古稀精神矍鑠常  
往名山拜神禮佛不衰洵可謂鄉中好善人也配杜氏婦道  
克敦遵三從和妯娌雅有宜家宜室之風舉子三悉皆操理  
成家孫現有三後望靡涯更兼創置產業家道豐亨夫婦齊  
眉一堂聚首何樂如之何莫非其立心不苟恃人力以挽回  
乎噫若此者正所謂向之自亨而困後之自窮而達者也故  
略敘其生平爲世之立心爲善者勵焉

昔

大清道光七年歲次丁亥桂月中浣之吉

末叔正篋撰



祿四十四獻廷伯行傳

語云名者實之賓德者行之表姑實至者名歸德立者行傳  
可以見重於鄉閭而垂稱於奕世者非偶然也伯父諱孟祿  
字士俸福六十八公長子自邦龍公遷徙玉山鄉栗樹山下  
居焉地之相去百有餘里形容未及親炙余處館於伯父之  
三弟徙居錢門間地連接壤時相往來聚首談心之際稔聞  
伯父行誼迄今重修家乘伯父共董其事余閱往局中與伯  
父周旋見其儀容文雅言論雍和彬乚然有名士之風焉及  
細究素履其治家務勤儉教子有義方其持已敏事慎言待  
人敬老慈幼罔談人之長短公論事之是非惟古道是敦居  
恒任西席孝悌忠信之事尤誨之諄乚切爲子弟告戒爲人



若伯父者是誠克家肖子繩武慈孫一鄉善士所由稱也伯  
母倪氏生出名門內助惟賢享壽七秩今已逝世生兄四長  
仲銓次仲銑三仲鈞幼仲錦俱務農桑恪守庭訓孫五皆幼  
品詣雖未見知而頭角崢嶸伊可懷也伯父年逾杖國黃髮  
台背矍鑠如壯協三多之祝爲一族之望於是名如其行行  
如其人者焉姪翦陋乏才能詳述其行妄爲鄙詞畧敘其平  
素之大概爾是傳

昔

道光七年歲在強圉大淵獻桂月

小姪仲璋拜撰



竹圃姪狀

嘗讀史至君子詘於不知己而伸於知己及可爲知者道難  
爲俗人言等句不禁深有感於其言也余固無己可知然知  
吾之不才者亦少幸得諱孟滌字涸川號竹圃自少伴學書  
齋同爨共被分雖叔姪誼關朋友有金蘭之契無嫌隙之萌  
善相勸而過相規合志有同方也疑與析而奇與賞營道有  
同術也其文詞灑落氣宇不凡每應童試定列前茅屢畏其  
早駕前驅卽瑟玉趙夫子閱其文嘗擊節而嘆賞之許其廁  
身庠序可拭目以待奈數奇不偶尚藏於席珍何文之不可  
憑如是焉知非彼蒼所以玉汝於成疇昔望氣而占祥者不  
驗之於前必驗之於後也况其狀貌魁梧奇偉諒不第衣食



饒裕桂子森匕而已至於愛親敬長謹言慎行士人本分中  
事何足爲之贊美今重修家乘共董其事吾所欲言者已言  
之吾所欲爲者共爲之志同道合爲余知己之人不敢擬管  
仲之得鮑叔陳蕃之獲徐穉要之明是非定猶豫如同狼狽  
聊願附彼諸賢之尾云

昔

乾隆五十八年歲次癸丑季秋上浣之吉

末叔 江誌



竹圃吳先生行傳

先生姓吳名孟濬字滙川號竹圃爲福八十三和亭公冢子  
世居於仙溪之里少好讀書束髮時同永川受業於東山孫  
夫子逮長受經於紫庭李夫子及瑟玉趙夫子學舉子業其  
爲文以淡遠勝不事雕績而時能於傳註外別出新意師深  
器之謂當取青紫如拾芥也無何艱於遇屢試不獲一雋至  
年三十餘猶橐筆硯應童子試良可悼也先生生平負豪氣  
好直言不脛爲囁嚅狀里中豪猾見先生輟爲俯首凡不逞  
之徒好蝸門蠻觸者先生正色叱之鮮不帖然其落匕剛方  
之概誠有足以服人者然其處朋友知己及骨肉親戚間則  
又怡顏悅色容若可掬未嘗過爲町畦立崖岸以戾于時也



先生有弟二次孟法幼孟汪交相友愛爲通族冠折爨後朝  
夕過從合食爲歡共議家務若同居無所爲爾我嘉慶之季  
二弟相繼沒先生哭之慟鬚髮爲之頓白至今言及之輟唏  
噓流涕如不欲生女弟一嫁巍山趙睿維年當三旬生一子  
僅三日妹氏產症終先生奔喪後揭其孤以歸授田一畝命  
季弟婦乳之至成人歸趙先生與二弟愛之踰於已子蓋篤  
親之情猶有過於尋常者矣先生承和亭公業饒於資旣食  
指漸繁家漸落設帳於里以自贍非分之財一介不取其課  
徒以行誼爲先文藝次之及其門者年方總角胥習於幼儀  
見者不問而知爲其弟子也至今年近古稀猶鶴立不跛與  
談古史忠孝節廉事及文章源流上下猶躡屣不倦可以知




其老而志不倦矣元配金氏性婉嫵肅於家政白髮齊眉望  
之若仙偶世以爲難丈夫子四長仲球次仲璋三仲琇幼仲  
瑛仲璋少讀能文角藝文場應試數科未卜一衿將拭目可  
待也顧士之稱名沒世者豈關科第之榮辱哉先生之行事  
卓匕如此夫亦可以不朽矣今年秋吳氏方續修家乘先生  
實董其事姑樂爲之傳焉

昔

道光強圉大淵獻桂月之望

眷姻弟郡增生胡 雅拜撰







思 昊 公 墓 圖



道光丁亥重修





右墓圖坐本都宅南土名樓家崗思吳公暨龐氏安人

安厝并五子助墓於下後世孫閱斯圖有所考焉

四房輪流值祭祀產載明於後

四保讚字

一千三十五號 民山七分 土名樓家墓

一千三十六號 民山五分 土名同


一千四十三號 民山二畝四分 土名同

一千五十七號 民山拍六分 土名同

一千五十八號 民山拍一畝 土名同

十保

二百七十四號 民山三畝一分九厘 土名牙郎墓





四保

六百五十二號

永田二畝三分二厘五毫

土名應家園

四十

九百九十三號

民地一畝七分五厘

土名樓家墓前地

塔田

九百九十一號

民地一畝八厘一毫

土名樓家墓前坑

邊二坵

一千四十七號

永田二分五厘七毫

土名山具

一千三十四號

永田三分六厘八毫

土名李樹下

一千三十號

永田八分一厘九毫

土名同前

一百三十九號

永田一分八毫

土名裏塘北邊



一千四十六號 永田一分六厘七毫 土各山具路下小

坵

利十三公

助田三十秤 土名小楊梅塘口

利三十七公

助田三十秤 土名白石墩

又助地一畝 土名橫畚

利百八公

助田三十秤二坵 土名橫路

榮一公張氏安人 助田廿五秤 土名佛殿橫頭

右田四房輪流值祭





黃家源墓圖



黃家源墓圖

道光丁亥重修





右圖坐落四保

一千二百九十五號

民地一畝一分

土名黃家淖

安厝

智十二文獻公 王氏安人

亨一百公 王氏安人

亨八十一公 裘氏安人





鷹山墓圖



黃龍英氏宗譜





右圖坐本都十保土各應山

二百九十三號 民山拍管一畝三分

安厝

智十七公金氏安人合墓

元四十五公陳氏安人

亨九十九公金氏安人葬北面

亨一百四公

亨九十二公除氏單氏

亨十九公程氏安人

亨三十五公呂氏安人 以上俱葬鷹山

又智十七公常厝





十保

二百九十二號 民山五分五厘六毫

三百廿二號 民山四畝正

智十七公祀田

四保

九百七十二號 永田二分四厘 土名五秤

九百七十三號 永田一畝八分二厘五毫 土名木杓坵

九百七十四號 永田四分六厘五毫

地二片共十秤 土名上鄭地

地二片共三十秤 土名平塔

屋基坵內拍田五秤









士名許公塘裏壁之墓圖



未

海





右墓坐落本都十保土名許公塘裏壁

一百七十二號 拍民山一畝五分正

安厝

元三府君同安人金氏合墓

元三府君金氏女人祀田開後

四保

五百廿六號 永田九分九厘八毫 土名上塘

七百八十一號 永田三分 土名鉄丁

四百五十二號 永田七分 土名臺盤

七百七十一號 永田七分五厘七毫 土名陶家墓十八





四保

三百三十一號 永田六分七厘一毫 土名橫塘口

十保

一百八十二號 永田五分五厘 土名許公塘下團坵

一百七十七號 永田七分五厘七毫 土名上曲坵

一百八十四號 永田八分二厘五毫 土名下曲坵

一百八十八號 永田四分六厘三毫 土名墳前

六百十七號 永田二分一厘七毫 土名許公塘頂

地世秤 土名蒼塘

地世秤 土名平塔

一百五十二號 民地一畝二分拍管四分 土名前山田



沿地五秤 土名荒塘下

四保

民地八分一厘 土名袁家塢

四保 亨二十府君祀田開後

七百廿一號 永田一畝八毫 土名板干塘口廿五秤

七百廿二號 永田三分六厘九毫

八百七十四號 永田一畝五厘 土名泉頂坵

地五秤 土名荒塘下






武 杰 公 墓 圖



武 杰 公 墓 圖

道 元 丁





右墓圖坐本都十保土名前山

安厝

元三十一府君 安人卜氏

亨五十二府君 合墓於斯

祀田開後

黃家淙田三十秤

三角 田二十秤

大坑口 田三十秤

新塘脚下 田十秤 又田二坵五秤

屋基坵 田五秤

黃業 地三秤





土名黃業柏樹墳山墓圖



黃坑吳氏

道光丁亥重修



右墓坐落本都十保土名黃業柏樹墳山

一百五十七號 民山三畝七分三厘

安厝

元三十三府君厲氏安人

亨二十八公

亨三十七公

亨四十五公

亨五十四公


貞五十八公

福二十五公 俱合葬





元五十四墓圖



黃元是二卷一

道光丁亥重修





右墓圖坐本都四保土名葡萄山

八百四十九號 民山三畝八分 內拍民山二分二厘

元五十四公樓氏安人合墓






土名雙巖頭下角孔之墓圖



黃坑

道光丁亥






右墓坐落本都十保土名雙巖頭下角孔

一百三十九號 民山一畝八分六厘正

安厝

元五十七府君之墓





土名上鄭楊柳塘之墓圖





墓坐落本都四保土名上鄭楊柳塘口

號 永田

安厝

亨二府君安人陳氏合墓

附墓

利一公安人童氏合墓

貞廿二公安人金氏合墓






土名金瓜壘



道光





墓坐落才者四保土名金瓜

八百九十二號

永田一畝一分九厘

八百九十三號

永田一畝九厘四毫

安厝

亨十四公同安人董氏合墓

祀田開後

三百九十九號

永田三畝一分一厘二毫

土名南塘頂

三百九十號

永田二分正

土名李後塘頂十秤

三百九十一號

永田三分五厘

土名同

七百九十號


永田七分五厘三毫

土名屋下十五秤

九百三十三號

永田五分六厘

土名包衣塘橫頭十秤





七百八十九號 永田三分五毫 土名屋下下簾場

四保

四百三十四號 永田三畝四厘拍管一畝五分二厘正

土名葡萄塘沿南面三十五秤

四保

二號 官田七分二厘 永田四分七厘 土名長畷

十秤 土名竹園栖

十保

百五十二號 民地一畝二分三厘拍管五分正 土名




山坑邊

地五秤

土名荒塘下

又地廿秤

土名平塔山脚坑沿





新塘下墓圖





六十號

民地二分五厘二毫

土名新塘下

五十九號

永田五分八厘三毫

土名墳前田

安厝

亨八十一國興公





墩頭墓圖






都四保土名墩頭

九百四十一號 永田七分一厘

九百四十二號 永田六分五厘


亭九十一公

同母姚氏安人合墓圖





墳頭墓圖





保

號 永田二分三厘三毫

安厝

享九十九公墓

一千八十三號

永田一畝九分七厘三毫


土名墳堂

坵

九百四十七號

永田六分七厘五毫拍管三分三厘六

土名墳后墩頭









一都二保

民山一畝五分正拍骨六分正

土名黃

白氏安人

十三公同方氏任氏安人

二公

祀田墳前上手田十五秤





雜峯





二十都土名上庄

劉氏合墓圖





黃





子六十四號  
五田五分一厘

